



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A








Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
691/A



69 1/2 A. XXX. Bar

<sup>690</sup>  
Cet livre appartient à Monsieur

~~Bar~~ J. J. Virey

il vient de l'auteur lui même qui l'a  
d'abord donné à Nicolas Eggebrecht  
puis il a passé au d<sup>r</sup> Labadie.

1585-164



42550

CASPARI  
BARTHOLINI  
OPUSCU-  
LA QVATVOR  
SINGVLARIA:

- I. DE UNICORNU  
*eiusq; affinibus & succedaneis.*  
II. DE LAPIDE NE-  
*phritico, & Amuletis precipuis.*  
III. DE PYGMAEIS.  
IV. CONSILIUM DE  
*Studio Medico inchoando, con-  
tinuando & absolvendo.*

*J. J. Virey*  
Cum Gratiâ & Privilegio. *Labadie med.*

---

HAFNIAE,  
Excudebat Georgius Hantzschius  
Anno Epochæ Christianæ, 1628.

*Dono Dn. Authoris possidet Nicolaus Eggenebrich,  
Haf. 26. Sept. 1678.*





DE  
Cap. 1.  
m  
quo  
t  
Cap. 2.  
n  
Cap. 3.  
Cap. 4.  
m  
Cap. 5.  
m  
Cap. 6.  
g  
p  
l  
Cap. 7.  
m  
Cap. 8.



Index Capitum  
Ex Opusculo primo

DE UNICORNU.

Cap. 1. *An detur animal aliquod unicomne, & quotuplex, atq; ubi & quo nomine, quibusq; proprietatibus eius in sacris literis mentio?*

Cap. 2. *De primis sex animalium generibus, unicum cornu gerentibus.*

Cap. 3. *De Rhinocerote eiusq; cornu.*

Cap. 4. *De Monocerote vero eiusq; cornu.*

Cap. 5. *De proprietatibus Monocerotis animalis.*

Cap. 6. *Monocerotis cornu non magis quam vulgaria cornua, adeoq; penè nihil virium contra venena obtinere.*

Cap. 7. *Quid potissimum pro unicornu vendant circumforanei?*

Cap. 8. *De melioribus succedaneis*

A 2

inter



Index Capitem  
inter cornua & ossa alexiphar-  
macis

Cap. 9. De cornu fossili vulgò pro  
Monocerotis habito.

Cap. 10. De proprietatibus & viri-  
bus cornu fossilis

Index Capitem  
Ex opusculo Secundo.

DE LAPIDE NEPHRI-  
TICO.

Cap. 1. De nominibus & prestantia  
huius lapidis

Cap. 2. De forma externa,

Cap. 3. De loco natali.

Cap. 4. De colore, Transparentia  
& duritie.

Cap. 5. De Affinitate cum alijs lapi-  
dibus.

Cap. 6. De qualitatibus & viribus  
occultis huius lapidis.

Cap. 7.



Index Capitum

Cap. 7. De Modo utendi hoc lapide  
in expellendis arenulis atq; calcu-  
lis.

Cap. 8. De Historijs & experimentis  
varijs, pro viribus hætenus enu-  
meratis asserendis, ex fide dignis  
authoribus.

Cap. 9. Virtutes huius lapidis proba-  
biles fieri ex rerum aliarum gesta-  
tarum in varijs morbis viribus.

Cap. 10. De lapidum & rerum sub-  
terranearum gestatarum viribus.

Cap. 11. Et ultim. sententie aduersa-  
riorum occurritur.

Ex Opusculo Tertio.

DE PYGMÆIS.

Cap. 1. De homuncionibus & pumi-  
lionibus seu nanis à Pygmæis di-  
stinctis.

Cap. 2. De Pygmæi nomine atq; ety-  
mologia.

A3

Cap. 3.



Index Capitulum.

Cap. 3. Duplex esse Pygmaeorum genus, & primum genus aliquando dari.

Cap. 4. Alterum genus, nempe gentem Pygmaeorum esse, aut saltem aliquando fuisse, autoritatibus humanis, fide tamen dignorum asseritur.

Cap. 5. Pygmaeorum genus ex Ezechiele atq; rationibus probabilibus astruitur.

Cap. 6. Pygmaeos esse aut fuisse ex varijs eorum adiunctis accidentibus etc. ab autoribus descriptis ostenditur.

Cap. 7. An Pygmaei sint homines?

Cap. 8. Argumenta eorum, qui Pygmaeorum historiam fabulosam censent, recitantur & refutantur.

Au.



*Authores in tribus prioribus opuscu-  
lis consulti & citati.*

<i>Adrianus Turnebus.</i>	<i>Antonius Torquemada</i>
<i>Adr. Spigelius.</i>	<i>Apuleius</i>
<i>Ælianus.</i>	<i>Aquila</i>
<i>Æneas Sylvius.</i>	<i>Aristoteles</i>
<i>Albertus Magnus.</i>	<i>Arnold. Villanovanus</i>
<i>Albert. Wichgrevius.</i>	<i>Atbenaus</i>
<i>Alexāder ab Alexādro.</i>	<i>Augustinus.</i>
<i>Alexander Trallianus</i>	<i>Avicenna.</i>
<i>Alexius Poedemontanus.</i>	<i>Baptista Mantuanus.</i>
<i>Amandus Polanus</i>	<i>Bartholom. Anglicus.</i>
<i>Amatus Lusitanus</i>	<i>Barthol. Cabrolus.</i>
<i>Ambrosius Pareus</i>	<i>Beda</i>
<i>Andreas Baccius,</i>	<i>Benedict. Arias Mōtan.</i>
<i>Bellunenſis.</i>	<i>Benedictus Warchius.</i>
<i>And. Casalpinus,</i>	<i>Bernbard. Paludanus.</i>
<i>Libavius.</i>	<i>Bertinus,</i>
<i>And. Marin. Venetus,</i>	<i>Budeus</i>
<i>Andr. Thevetus</i>	<i>Cadamoſtus</i>
<i>Angelus Batgeus</i>	<i>Celius Rhodiginus.</i>
<i>Anselmus Boëtius de Caſar.</i>	
	<i>Bood Camillus.</i>
<i>Anton: Ludovicus</i>	<i>Carolus Cluſius</i>
<i>Muſa Braſavolus.</i>	<i>Caſp.</i>



Cass.	Schwenefeldius	Esaias Propbeta
Cicero,	(Medicus)	Esdras
Claudius Duretus		Eucherius
Clitarchus		Eustatius.
Clutius.		Ezechiel Propbeta,
Cornelius Scribonius		
	de Lapide	Favorinus
Crates.		Felix Platerus
Ctesias.		Florens Sextimius
Cunradus Gesnerus.		Forestus
Cunradus Kircherus		Franciscus Aluaretz Lu-
Cyprianus,		sitanus
		Franciscus Ferdinan-
Dalechampius.		dus,
Daniel Sennertus.		Franciscus Junius
R. David Kimchi.		Franciscus Ruëus
David Rex & Propb.		Franc. Vallesius
Dion.		Franciscus Vatablus
Dionysius Alexandrin.		Fumanellus.
Dioscorides		
Donzellinus.		Gabriel Fallopius
		Galenus
Emanuel Tremelius		Garzias ab borto
Encelius,		Gellius
Ernestus Burgravius		Georgius Agricola
		S, Gre-



*S. Gregorius.*  
*Guilielmus Laurenb. senior.*

*Guilielmus Rödeletius.*  
*Gyraldus.*

*Hector Boëtius*  
*Pintus.*

*Henricus Smetius.*  
*Henricus Stephanus*  
*Hercules Saxonia*

*Herodotus*  
*Hesiodus.*  
*Hesychius.*

*S. Hieronymus.*  
*Hieron. Cardanus*  
*Hieron. Mercurial.*  
*Hildebrandus.*

*Hippocrates*  
*Hollerius.*  
*Homerus*  
*Hondius.*  
*Hugo*

*Jacobus Philipp. Bergomensis*

*Johan*



Johan. Andernacus

Jobus

Job. Avenarius

Job. Bapt. Porta

Johan. Boterus

Buxtorfius

Cassanio

Crato à Craftheim

Fernelius

Ferrerius

Forsterus

Fragosus.

Franciscus Vlmus

Goropius

Guilielmus Reiffenstein.

Kentmannus

Langius

Lanfrancus

Laurentius Anania,

Lycosthenes

Mercerus

Piscator.

Renodeus

Sebenchius

Talentorius

Tinnulus

Tze-



*Job. Tzezes*  
*Immanuel Meteranus*  
*Joachimus Camerarius*  
*Isidorus.*  
*Juba*  
*Julius Caesar Scaliger*  
*Julius Solinus*  
*Iustus Lipsius*  
*Juvenalis*

*Laurentius Catellanus,*  
*Hoffmannus*  
*Joubertus*  
*Lalius à Fonte,*  
*Leonbard. Thurneisser*  
*Levinus Lemnius*  
*Linscottus*  
*Lucas Oslander*  
*Lucanus*  
*Ludovicus Vartoman,*  
*Maiolus*  
*Maldonatus*  
*Marbodeus.*  
*Marcellus.*  
*Marinus (cuius Arca Noe)*  
*Marcus*



*Marcus Paul. Venetus*

*Marsilius Ficinus,*

*Martialis*

*Martinus Borrhaus*

*Matthias Lobelius*

*Matthias Vntzerus*

*Megasthenes*

*Menecles*

*Mesues*

*Michael Neander*

*Montuus*

*Moses*

*Mundella*

*Munsterus Cosmographus*

*Nicephorus*

*Nicolaus Fullerus*

*Lijra*

*Nicol. de Comitibus, Venetus*

*Nicol. Monardes*

*Olaus Magnus*

*Onesicritus*

*Oppianus*

*Orpheus*

*Ortelius*

*Ottbo Heurnius*

*Paulus*



*Paulus Apostolus*  
*Paul. Jovius*  
*Pausanias*  
*Petr. Andr. Matthiolus.*  
*Petr. Arlensis de Seuda<sup>l</sup>upis.*  
*Bellonius Cenomānus*  
*Philippus Camerarius.*  
*Pbiles.*  
*Philostratus Lemnius.*  
*Photius*  
*Pierius Valerianus.*  
*Plinius.*  
*Plutarchus*  
*Pomponius Mela*

*Quintilianus.*

*Raderus*

*Rhases*

*Saxo Grammaticus*

*Serapio*

*Symmachus*

*Simplicius*

*Sigismundus Baro*

*Strabo*

*Suesa.*



*Suessanus*  
*Suidas.*  
*Sylvius*

*Tertullianus*  
*Theodosion*  
*Theophrastus*  
*Thomas Erasmus*  
*Thomas Jordanus*  
*Thuanus*

*Valeriola*  
*Vidus Vidius*  
*Vierus*  
*Vincentius*  
*Vittichius*  
*Vitus Vietor*  
*Plyßes Aldrovandus*

*Weinrichius*  
*Wolfgangus Frantzius.*

*Xanctes Pagninus.*

*CASP.*



CASP. BARTHOLINI  
DE VNI  
CORNU

*Eiusq; affinibus & succedaneis*

OPUSCULUM.



*Reverendo*





*Reverendo, Clarissimoq; Viro,*  
**D. MATTHIAE**  
**IANO, SS. THEOL.**  
*Doctori, Episcopo & Canonico Lun-*  
*densi, nec non Canonico Roës-*  
*kildensi,*

*Dn. amico, collega & Fratri in*  
*Christo dilectissimo*

*Hoc Opusculum inscribit*  
**C. BARTHOLINVS.**



**DE-**



1.  
*De Unicornu, opusculum.*

*Cap. 1.*

*An detur animal aliquod unicorne, et  
quotuplex, atq; ubi & quo nomine, qui-  
busq; proprietatibus eius in sacris  
literis mentio?*



Ovum non est, negari à qui-  
busdam ea, quæ ipsi non vi-  
dent aut viderunt: quâ ratio-  
ne pleraq; à fide dignissimis  
consignata scriptoribus non  
tantum in dubium vocare, sed præfractè  
falsitatis arguere cuivis esset integrum.  
Longè rectius & cautiùs sentiunt, qui  
Autoribus fide dignis tamdiu in eiusmo-  
di affirmatis credendum censent, donec  
omnibus mundi angulis perlustratis,  
& investigatis, rem quæ asseritur, mini-  
mè reperiri constet. Fuerunt ergò  
complures, qui Monocerota non tantum  
esse dubitarūt, ut S. Ambros. lib. de bened.  
Patriarch. cap. 11. pag. 270. operum mi-  
hi: Sed etiam pro re planè commentitiâ  
habuerunt, à pictoribus et rerum natura-  
B lium



lium scriptoribus ad legentium et spectantiū voluptatem pro libitu & arbitrio efficta: in quibus nomen suum profitentur Ambrosius Paræus Chirurg. lib. 20. c. 39. & Andreas Marinus Venetus, dissensionibus autorum in animali hoc describendo permoti. Verum enimverò animal unicornem dari quicunq; negat, nimis se hospitem prodit in profanis pariter & sacris monumentis. Et quoad profanas historias: primū notum est, dari homines aliquando unicornes, licet non naturā, sed eius quasi quādam aberratione, modo à nativitate, modò ætate procedente In cuius rei fidem duo primū allegabimus exempla. Annotavit Dalechampius ad lib. 11. Plin. c. 37. annot. lit. d. cornu in fronte nobilis fœminæ natum, quā de Fortiuc Monspeffulani vocarunt, digiti longitudine; quod præcisum ipse viderit. Pueri unicornis nati historiam his verbis refert Amatus Lusitanus cent. 1. curat. 51. Natus est puer cum corniculo in capite; non dolebat, nec quicquam obnoxij ex eo percipiebat: grandiore verò facto



facto puëro, cornu quoq; crevit, quod omnino deponendū ex capite puer contendebat, & à patre efflagitabat, ob id quod pueri illum cornutum appellabant: accersito igitur Chirurgo plus iusto audace: primò partem superiorem præcidit, ex quâ incisione, nullum puer ferè dolorem sensit: Chirurgus verò credens ità eventurum, si radicitus corniculum resecurerit: Opus aggreditur, sed infelici successu, breui enim, vel intra paucas horas puer obiit. nec mirandum, quum cornu illud prædurum in parte inferiori, conflatum ex cranio et medullari cerebri substantiâ esset. Plura exempla videntur apud Schenchium observat. Medicinalium lib. 1. ex Lanfranco tractatu 3. doct. 2. cap. 3. Chirurg. maioris. Lycosthene de prodigijs et ostentis. Weinrichio commentario de monstris. Paræo lib. 24. cap 2. & alijs. Bartholomæus Cabrolus observat. Anatomica 11. tutò cornu à fronte resecuri docet hac historiâ. Convenit me Monspelij Johannes Guy, carminator, sciscitatur tutò ne illi à fronte



cornu nuper natum possem rescindere.  
Erat cornu sinistro in latere, sub pilis aliquantulum; hæc res anxium me habuit: Tota enim basis ossi adhærebat, longitudo dimidiati erat pedis, crassities pollicis, figura inæqualis, qualis in agno semestri: victus tandem patientis cornuti precibus, ferrâ abstuli cornu, cumq; aliter sanguis sisti non posset, ferro ussi, escharam induxi, mundavi, carnem cicatricemq; adduxi. Dominus Reynac cornu mihi precibus extortum in aulam misit, etc. Hæc Cabrolus. Cæterum cum de raris & præternaturam evenientibus, hoc loco non sit aut esse debeat nobis disceptatio, quando de animalium brutorum speciebus ordinarijs quæritur; an animal unicornæ aliquod detur in rerum natura? Dico non dari tantum, sed etiam plura, vel plures species. Atq; initio illorum inscitiam detegere est facile, qui cum Theveto in sua Cosmographia existimant Ringiferum seu Rangiferum in Norvvegia, præsertim eius superiori parte Finmarchia dicta, uti et Moschovitarum ditionibus



tionibus esse unicornem ; cum instar cervi bicornis sit, & anteriùs cervo similis, licet paulo minor, ramis cornuum latioribus ; atq; ante annos aliquot huc in Dania cum compari advectus : quibus animalibus mirâ ratione provida natura Norvvegis superioribus , qui unâ cum inferioribus Regi nostro Daniæ potentissimo parent, prospicere voluit. Mirâ enim pernitate pollentibus Norvvegi pro equis utuntur , indies horizontem duodecies mutâdo rhedas per crepidines montiû trahentibus peculiares ; ad escam vero carnibus eorû, lacte atq; ex inde caseo vescuntur: pellibus ad vestimêta fruuntur, imprimis ocreas et calceos, quæ omne frigus arcere mihi narrarunt. Deinde inter minora animalium genera , quæ vnicum cornu , magnitudine & duritie minusculû gerunt, tria videntur occurrere 1. Volucris Dynon, in Æthiopia, si verus Ælianus lib 10. c. 10. 2. Insectum volatile unicone, colore purpureo, magnitudine amygdalæ , cornu autem quantitate & figura aciculæ incurvatæ, Tale inter



rariora sua et exotica reservat Laurentius Catellanus, Pharmacopæus Monspeliensis elegans. *Vide Plin. l. 30. c. 5. & Alb. M. 3.* Serpentes unicornes, de quibus uti & bicornibus, tricornibus et multicornibus idem Albertus. At inter maiora animalia in universum videor mihi octo genera constituere posse eorū, quæ unicum cornu gestare reperiuntur, de quibus brevissimè postea speciatim agemus: Suntq; 1. Oryges vel capræ quædam sylvestres, de quibus Aristoteles. 2. Amphibia Africana, de quibus Garsias. 3. Marina Borealia, quorum cornua iam potissimum apud magnates reperiuntur, et pro veris venditantur. 4. Boves Indici & vaccæ Æthiopice unicornes. 5. Asini Indici. 6. Equus indicus unicornis. 7. Rhinoceros. 8. Monoceros, strictâ vocis usurpatione dictus & ab Autoribus descriptus: imò à quibusdam visus, à nonnullis cornua eius visa, ut infra docebitur.

Et cum passim Monocerotis fiat in sacratissimis ipsis monumentis mentio; ut Num. 23, 22. & 24, 8. Deut. 33, 17. Job. 39, 12. &



39, 12 & seqq. *Psal.* 29, 6. & 22, 22. 78, 69.  
 & 92, 11. *Esa.* 34, 7. Et ipsius cornu  
 Monocerotis etiam tanquam rei pretio-  
 sissimæ *Job.* 28, 18. & *Ezech.* 27, 16. Mi-  
 rari subit inventos, qui talia negare au-  
 sint. Quanquam si quis cornua mihi  
 obvertat, liquidò è sacris non constare  
 quale & quæ species animalis unicornis  
 à Spiritu Dei indigitetur; defender de  
 facili, non obscure ex proprietatibus per  
 contextum elici, ad quam speciem ac-  
 cedat proximè; atq; ad minimum  
 apertissimè convinci animal unicorne  
 in scripturis sacris l. l. d. d. nominari,  
 cuiuscunq; illud generis fuerit. Dici-  
 tur enim Hebræis locis scripturæ dictis  
*Reem*, quod licet nonnulli cum Avena-  
 rio *Rhinocerot*a interpretentur; alij  
 cum Hieronymo et Pagnino nunc vni-  
 cornem, nunc *Rhinocerot*a vertant,  
 & Mercerus licet dubius atq; Buxtorff-  
 us unicâ hac voce utrumq; animal di-  
 ctum denotari velint: rectiùs tamen  
 sentiunt, qui cum 70 interpretibus,



Forstero in lexico, junio & Tremellio,  
 & Osiandro in paraphrasi Biblicâ, a-  
 lijsq; plurimis interpretibus unicor-  
 nem vertunt: *Raam* vel *Ramam*  
 enim elevationem notat, altitudinem,  
 sublimitatem, quæ in eius cornu est  
 conspicua: Atq; plurimas proprieta-  
 tes unicorni in scriptura tributas Rhino-  
 ceroti non competere, infra patebit.  
 Sic et *Ramot* rectissimè interpretantur  
 Forsterus & Osiander l. d. d. ipsum cornu  
 unicornis apud Ezech. 27, 6. & Job 28,  
 18. non verò ut alij conjectantur, coralli-  
 um; hoc enim *almughim* appellari di-  
 cit R. Dav. Kimchi. Describit autem ani-  
 mal unicornis Spiritus Dei in sacratissi-  
 mis monumentis, sequentibus potissi-  
 mum proprietatibus:

1. Summo robore, fortitudine inex-  
 pugnabili, & viribus. Num. 23, 22. & 24, 8.  
 Deut. 33, 17. Job. 39, 14. Psal. 78, 69.

2. Summa ferociâ, ut cicurari non  
 possit, aut præsepi alligari, aut homini  
 servire laboribus &c. Job 39. v. 12, 13,  
 & 14.

3. Summâ



5  
3. Summa sævitiâ, crudelitate & nocendi cupiditate. Psal. 22, 22. Es. 34, 7.

4. Saltu, agilitate, cursu. Psal. 29, 6.

5. Tandem ex cornu eminenti, excelso & æstimando, Ps 78, 69. & 92, 11. quod sit res pretiosissima & dignissima. Job. 28, 18. & Ezech. 27, 16.

Ex quibus facile est colligere, vnicorne in sacris literis aliud esse animal à Rhinocero. Nam Rhinoceroti animali crasso & brevibus cruribus, adeoq; ad saltum & cursum non expedito quarta proprietas non competit. Deinde Rhinocerota posse ab homine mansuefieri, cicurari & tractari imo per longissima itinera duci infra dicemus; sicut & Leones, tigrides & pardi: quod pugnat cum secunda & tertia conditionibus. Præterea cornu Rhinocerotis multò est exilius, quam ut quintæ conditioni respondeat. Adde, Rhinocerota reverâ duo habere cornua; unum à fronte (aut juxta alios dorsum initio) alterum è naribus exsurgens.

Longè adhuc crassiùs errant in hi-

B 5

storia



storiâ animalium hospites, qui cum Ter-  
tulliano *lib. contra Judeos c. 10.* *Gregor. 31.*  
*Moral. 13.* Isidoro *12.* *Etymol. 2.* & Beda  
*in 29. Job.* putant idem unumq; animal  
esse Monocerota cum Rhinocerote. Rem  
aliter se habere, ex utriusq; descriptio-  
nibus & proprietatibus infra evadet liqui-  
dum. Vnde Scalig. Exerc. 205 contra Car-  
danum inquit: Nequeo tibi, Cardane,  
astipulari, qui Monocerota sub Rhino-  
cerotis nomine pinxisti: cū duæ sint bel-  
læ longe diversissimæ. Rhinocerotis eius  
picturam vidimus, cuius cadaver è nau-  
fragio eiectum est in Tyrrhenum littus:  
capite suillo, tergore munitus scutulato,  
cornu gemino, altero pusillo in fronte,  
altero in nare robustissimo, quo audacis-  
simè pugnat, ac vincit Elephantem &c.  
Hæc ille. Injuriam autem Cardano fa-  
ctam à Scaligero c. 3. ostendemus. Inte-  
rim veteres & recentiores quosdam  
Rhinocerota cum Monocerote con-  
fudisse autor est Gesnerus in i-  
conibus quadrupedum

pag. 64.

CAP.





## CAPUT. II.

*De primis sex animalium generibus  
unicum cornu gerentibus.*

## I. est ORYX.

**D**E hoc animali parci admo-  
dum sunt Aristoteles & Plinius.  
Ille 2. de hist. anim. c. 8 & 3.  
de part anim. c. 2. Hic lib. II.  
Nat. hist. cap. 37. & 46. nempe esse animal in  
fronte unicomne & bisulcum, seu scissis pe-  
dibus. Quodnam animal fuerit, nunc est in-  
certum: Quidam Orygem & Monocerotem  
eundem esse arbitrati sunt. Credo, inquit  
Scaliger Exor 205. quod legerent ὄρυγα μονο-  
κέρωτα. Addit: Caterum hoc eius Epitheton est.  
At huic nostro quo de agimus, nomen propri-  
um Hec ille. Quidam putant, Capra silve-  
stris speciem fuisse, unicum cornu gestantem.  
Aliqui mosci capreolum, vel gasellam aut py-  
gargum esse autumant; quibus tamen aliqui  
unum, aliqui duo cornua tribuunt, Gazellam

*autem*



*autem qui vel mosci capreolum faciunt vel unicornu, errare annotavit Gesnerus. & Scallig. l. d. ait: Maiore etiam flagitio cum Gazzella Orygem confundere.*

## II. Amphibion Africanum & Molluccanum unicomne.

**G**Arzias ab Horto, Proregis Indici Medicus ita de eo scribit: Reseram qua à viris fide dignis accepi. Inter promontorium Bonae Spei & aliud promontorium vulgò descurrentes nuncupatum vidisse se affirmabant terrestris quoddam animalis genus, licet mari etiam delectaretur, quod caput & subam equi haberet (minimè tamen marinum equum esse) cornu praditum, duos palmos, oblongo mobili, quodq; nunc in dextram, nunc in sinistram obverteret, modo illud attolleret, modo dimitteret: Id animal cum Elephante ferociter preliari, eiusq; cornu adversus venena laudari. Eius experimentum factum propinato duobus canibus veneno: Alterum enim canem, cui dupla quantitate propinatum esset venenum, sumpto huius cornu pulvere ex aqua convaluisse; alium vero cui exigua quantitate



7  
titate venenum esset datum, nec exhibitum  
hoc cornu, statim mortuum corruisse.  
Haftenus Garzias.

Existimo autem non esse diuersum hoc animal à Moluccano illo unicorni, quod describit Tbevetus in Cosmographia tom. 5. lib. 2. cap. 5. Nam & vires contra venena utriq; tribuuntur, & aliàs præcipua nota cum differentia aliquà in cornu longitudine, quæ tamen etiam in alijs eiusdem speciei animalibus, sive ratione ætatis, regionis &c. Dicitur n. esse animal amphibium (instar crocodili) in una insularum Moluccarum, Camphurch dictum, magnitudine cervam aquans, cornu gestans in fronte, mobile instar cristæ galli indici, trium pedum & dimidij longitudine, haut unquam bum'ano brachio crassius, aduersum venena efficax: pilo cinerei coloris cervice obvestitâ: palmas habens duas anserinis similes quibus in aquis dulcibus salisq; ad nandum utatur; pedes verò anteriores cervinis affines, atq; piscibus victitans. Dicitur & Rex insula eius fera nomine insigniri gaudere, sicut alij in isto orbe Reges ferarum, piscium aut fructuum totâ regione sua nobilissimorum  
nomen



nomen sibi adoptant. Hoc cornu indubiè est, cuius meminit Gesnerus in iconibus quadrupedum pag. 64. licet dubius et incertus cuius animalis; cū inquit: Audio ex novis insulis Monocerotis nomine cornu adferri contra venena laudatum; quod quale sit, nondum rescivi, querendum a. an sit Rhinocerotis &c. Nisi vis alexipharmaca obstaret, quæ huic cornu inest, probabile videri alicui possit hanc secundam unicornis speciem eandem esse cum sequenti tertia. Sed obstat præterea nondum constare; an secunda huius Speciei cornu eius sit coloris, densitatis, ponderis, spirarum &c. ut tertia, atq; an tertia speciei unicornis animal sit amphibion, eaq; partium corporis conformatione &c.

### III. Vnicorne marinum boreale.

**R**eperiuntur aliquando in Islandia & alijs locis ac insulis Borealibus cornua sine ullâ curvitate, rectissima, & cubitos aliquot longa, intus candida, extrinsecus colore eburneo, durissima, ponderosissima, versuras quasdam naturales vel strias profundiores quasi arte factas habentia, aliquando particula



cula cranij adhaerentia, paulatim in mucronem desinentia, magis vel minus obtusum, ovi v. gallinacei circa basin crassitie. Referunt nonnulli in mari has bestias esse, & cornua certè multis aquatiliū & marinorum esse, totidem verbis prodidit Plinius lib. 11. Nat. Histor. c. 37, in initio; an v. simul in terra degant, explorare nondum potui. Si Amphibia non sunt, procul dubio ventorum & glaciei substrata commoditas ad littora eiusmodi propellit cornua, aut si forte in fluvijis maioribus degūt, sicut Hippopotamus in Nilo, peculiare fortè genus Hippopotami fuerit; cum Niloticus cornu careat. Talia cornua non tantum apud Regem nostrum Clementissimum videre est, sed etiam nonnullos in hac patria nostra nobiles viros, & ante annos aliquot tale Serenissimo Regi donum misisse dicitur Episcopus Senior in Islandia Dn. Gudbrandus, optimè de Ecclesijs Islandicis meritis & pijs omnibus ob Biblia Islandica à se translata, suis typis, suis sumptibus, suis laboribus, iam annos a'te multos impressa, acceptus. Hoc cornu nullam singularem contra venena vim obtinere, ipse ego ante annos 14, expertus sum in canibus, cuius rei testis



testis mihi esse potest Clariss. Astronomus &  
affinis meus D. Christianus Longomontanus.  
Neq; hoc adeo mirum videri debet, cum neq;  
veri Monocerotis cornu huius virtutis esse, ex  
inferius dicendis concedendum. Dixi singu-  
larem; Nam Aëtius eius sententia est, omnia  
cornua, etiam vilissima aliquid virium ad-  
versus venena possidere. Vnde in locis hisce  
Septentrionalibus, ex cornibus boum maiori-  
bus olim pocula conficiebant, quibus adhuc  
apud nos non pauci utuntur. Noverat hoc  
fortè Plinius l. d. in hac verba solutus: Illo-  
rum cornibus Barbari Septentrionales po-  
tant. Salubriora etiam esse cornea pocula,  
non modo Ælianus & Philostratus testantur,  
sed & veterum Medicorum instrumenta quæ  
cornea. Cornibus enim liquores mensurabant,  
clisteria administrabant &c. Gal. l. 1. & 2.  
de comp. medic. & lib. 13. Metbo. Sed de his  
infra plura.

Eiusmodi marina ex unicornibus cor-  
nua, inquam, apud nos non sunt infre-  
quentia. Et tale est, quamvis longitudi-  
dine insigne, quod vidi, Electoris Saxonie  
inter



## De Uuicornu

9

*inter κειμήλια Dresda asservatum, olim à Friderico II. l. m. Dania, Norwegia &c. Rege Electori donatum. Eius generis sunt duo Dresdensi longè minora, quæ Venetijs diebus festis vidi inter alios thesauros in templo D. Marci ad altare ostentata. Tale est quod Boëtius de Boodt l. 2. de Gemmis. cap. 244. Venetijs sibi à quodam simplicista rerum exoticarum studiosissimo ostensum scribit, quod ille pro vero unicornu habuerit. Boëtius v. falsò pro Rosmari dente. Referam eius verba : Dum Venetijs essem ante annos viginti quinque, duo cornua mihi ostensa fuerunt, à quodam simplicista rerum exoticarum studiosissimo, unum quatuor pedum ad minus longitudine, ovi gallinacei maioris circa basin crassitie, quod paulatim desinebat in mucronem obtusum, color externus erat eburneus, internus albissimus, à basi ad mucronem ferè strias habebat, dicebat ille cornu esse Hippopotami animalis, ac verum unicornu, facultatibusq; unicornui attributis præditum. Hippopotanum sæpè depictum vidi, & antiqui Romanorum im-*

C

peratores



### De Uuicornu

peratores illius effigiem tum in nummis  
tum symbolis exhibuerunt ; verum  
absq; cornu , cuius a. animalis hoc cornu  
fuerit , haftenus scire non potui. Visum  
tamen mihi fuit Rosmari dentem esse.  
*Hac ille.*

*In Anglia sunt frequentissima talia cornua  
ex Islandia allata ; Et Antwerpia tria esse in-  
didem advecta testis est Job. Goropius Becanus.  
Transcribam quæ hæc de re scribit Fran-  
ciscus Ferdinandus : Cornua certe, scribens,  
quæ sub hoc nomine (Monocerotis)  
circumferuntur, neq; monocerotis, ne-  
q; indici Asini, sed neq; rhinocerotis eti-  
am esse puto, sed ut plurimum piscis potius  
cuiusdam qui in septentrionali plaga re-  
peritur, Monocerotis dicti, eò quòd u-  
nicum in fronte maximum cornu habe-  
at, de quo Olaus Magnus Monoceros est  
monstrum marinum, habens in fronte  
cornu maximum, quo naves obvias pe-  
netrare possit ac destruere, et hominum  
multitudinem perdere, sed in hoc pietas  
divini numinis navigantibus providit  
cum ferox sit hæc belluà, tarditas sua  
quam*



quam habet maximam prævifa timentibus eius accessum fugam concedit. Cuius etiam piscis meminit in monocerote Albertus Magnus, & alij qui de piscibus copiosè tractarunt. Non itaq; nos circulatores cornua venditantes Monocerotis circumveniant, si huius venditant piscis cornua: ab illorum tamen emptione sensatus quisque, ni suas in cassum abire pecunias velit, abstineat necesse est. *Hac Ferdinandius.*

*Tale indubiè fuit Marchionum Badensium, quod anno 1520 in Helvetia ad ripam fluminis Arulæ repertū scribunt, de quo & similibus, non immerito dubitavit Baccius, Immo vix hodiè aliud genus Magnatibus pro vero venditur, qui fossile, de quo infra, vi alexiphar-macâ tamen longe superius, pro adulterino agnoscunt. Non esse tamè verū Monocerotis cornu, quod antiqui descripserunt, & recentiores quidā, cum descriptionibus illis conveniens viderunt, infra dicemus. Vnicus color argumento sit: qui in Monocerote vero inger est, consensu omniū & scriptorū & Oculatorū; at in nostro*

C 2

Septentrio-



## De Unicornu

tentrionali<sup>l</sup> marino eburneus, quamvis non ignorem à Jovio eburneum tribui: Sed is omnia non nisi ex aliorum relatione scribit. Vide qua habet de regno agens Gogiano.

### IV. Boves & Vacca Unicornes.

**I**N India reperiri boves unicornes solidis ungulis, autor est Solinus lib. 1. de venat. & Plinius, qui tricornes etiam dari in India, annotavit l. 8. c. 21. Uti & in Aonia montanâ Baotia parte. Hinc Oppianus de tauris agens: Solipedes sunt Aonii varium genus unicornes, Et ex mediâ cornu exitiosum attollunt fronte. Caesar quoq; l. 6. de bello Gallico meminit in sylva Hercinia bovis, cervi figurâ, cujus è mediâ fronte inter aures unum cornu existat celsius, à cuius summo sicut palma rami latè diffūdūtur. in Æthiopia vaccas esse, pilo ruffo, quibus unicum è frōte media prodit cornu pedali maius, curvitate supina, cuius cuspis retrorsum devexa, scripto mādavit Ludovicus Barthema & Cardanus de Subtilitate lib. 10. & Scaliger de subtil. exerc. 206. s. 7. Ex hoc forte genere fuit, cuius meminit Andreas Thevetus Cosmograph, t. i. l. 5. c. 5. Vidisse videli-



*Videlicet nobilem Turcam Sangeacum unicor-  
nem, qua semestrem aut quinquemestrem  
taurum aquaret, unico verò cornu, quod non  
in media fronte, sed in summo capitis vertice  
gestaret. Cruribus & pedibus asininis esset, pi-  
lo tamē longiore & auribus Rangifero anima-  
li sub polo habitantibus noto haut absimilibus.*

*V. Asinus Indicus unicornis  
eiusq; cornu.*

*De hoc animali Aristoteles & Plinius locis  
superius allegatis de Oryge: unicum nimirum  
cornu gestare in fronte, pedesq; solidos & ta-  
los habere. Ælianus de eo sic loquitur lib. 4.  
Animal. c. 52. & 5. Hist. var. c. 22. Silve-  
stres asinos equis magnitudine non inferio-  
res, apud Indos nasci accepi, eosq; reliquo  
corpore albos, capite verò purpureo, oculisq;  
nigris esse, cornuq; in fronte gerere, cuius  
superius puniceum, inferius autem album,  
medium v. nigrum sit. Atq; non omnes  
quidem Indos, sed potentiores cum tan-  
quam armillis quibusdam brachia, sic  
cornua certis spacijs auro ornarunt, ex  
ipsis bibere solere. Ex hoc cornu bibentem*



## De Unicornu

ab in sanabilihus morbis tutum fieri, neq̃ eum  
convulsionibus corripī, neq̃ sacro morbo, neq̃  
venenis ullis ferunt. Quin etiam si quid pri-  
us pestilens biberit, tumida vomere, tum ad  
sanitatem redire. Addit Boëtius à Bood  
ad hunc locum: Ex quibus duobus Æliani locis  
(videlicet iam citato, & illo qui infra illegan-  
dus de vero Monocerote) facile colligi potest  
asini Indici cornu id esse, quod ab omnibus ex-  
petitur ad venena, & nequaquam monocero-  
tis cornu, quod uno tantum, eoque nigro co-  
lore præditum est, & versuras habet, ac pas-  
sim à principibus pro vero monocerotis cornu  
ostenditur, omni facultate adversus venena  
carens. Causa, cur facultates, quas cornu  
Asini indici habet, attributa fuerint monoce-  
rotis cornui, nomen monocerotis, quod ut ante  
dixi, asino indico tribui potest, fortassis fuit.  
Unicorne n. est animal asinus indicus, non  
minus quam propriè dictum monoceros. Et  
paulò post: repriuntur apud principes &  
Magnates varia particula cornuum nomine  
cornuum monocerotis. Sed hætenus (etiam-  
si plures quam viginti differentias collegerim)

nunquam



nunquam particulam asini indici cornui similem deprehendi.

Ab hoc certè cornu non longè abivit, quod idem Boëtius se vidisse scribit paulò post his verbis : Habuit mater fratriæ meæ particulā à cornu satis magno, quod multis millibus venditum fuerat, abscissam, quā mira præstitisse matrem affirmabat. Erat illa particula eboris instar albissima, intrinsecus concava, ut cornua esse solent. Exterior pars crassitie pellis porcinae ferè per lucida, ac ad flave dinem tendens conspiciebatur, exactè lardum porcinum cum sua pelle in cornu transmutatum dixisses. Ab interiori n. & albissima parte ad amussim lineola distinguebatur id quod cutim porcinae referebat. Durissimum fuerat hoc cornu vixque limā superari poterat, odorem etiam, qualem cornua omnia, dum limā fricantur, edere solent, emittebat. Sed neq; hoc cornu Monocerotis aut Asini Indici fuit. Nec refert, cum natura etiam aliorum animalium cornua viribus & facultatibus ditare  
C 4. possit



## De Unicornu

possit. Cornu profectò cervinum multorum  
experientiâ non exiguas adversus venena  
habet vires, ita ut rectè deficiente Asini In-  
dici cornu, in illius locum substitui possit.  
Philostratus Lemnius senior de Asinis Indicis  
l. 3. c. 1. in eandem sententiam loquitur  
hoc modo: Asinos præterea silvestres  
in vicinis paludibus multos capi dicunt.  
Esse autem feris huiusmodi in fronte cor-  
nu, quo taurorum more generosissimè pu-  
gnant. Conficere a. Indos ex illis corni-  
bus pocula, asseruntq; nullis morbis illo  
die affici, qui ex eiusmodi poculo potarint,  
neq; si vulnerati fuerint dolere, & ex igne  
etiam incolumes egredi, neq; ullis venenis  
ladi, quacunq; nocendi gratia in potu dan-  
tur, idcirco regum esse eadem pocula, &  
regi tantum eiusmodi fera venationem  
permitti.

Joan. Langius Miscell. lib. Epist. 29.  
Asinum Indicum cum Monocerote confundit.  
Regum pocula, inquiens, olim fuisse  
cornea, etiam Philostrat. lib. 3. de vita A-  
pollonij Tyanei testatur. Esse a. in vicinis  
Phasidis fluvij asinos, qui unum in fronte cor-  
nu



nu haberent, quo cum Elephantis ferociter pugnant. Ex illorum cornibus Indii pocula conficiunt, asseruntq<sup>3</sup>, quicumq<sup>3</sup> ex tali poculo biberit, eo die nullo morbo, nec vulneris dolore, aut ignis flamma offendi, nec veneno intoxicari posse. Hoc vero animal non Rhinocerotæ, cui unum ex naribus prominet cornu, sed Monocerotæ Plinius appellat. In eodem Confusionis errore versatur Thomas Jordanus de phanomenis pestis tract. 3. Sic & Angelus Batgeus in Cynagetico :

————— unoq<sup>3</sup> in fronte superbi,  
Cornu quod reges Indorum protinus aureis  
Orbibus includunt, & vina liquetia potant,  
Ac tum nec morbos tuti sentire feruntur,  
Nec quæ inter menses occulta basere venena.

Alioquin asinos cornutos reperiri & in Africa & in Schytia, licet non unicornes, auctores prodiderunt : Africanos Herod. lib. 4. & Schyticos Ælianus lib. 10. c. 40.

In Æthiopia & Lycaonia hos onagros reperiri scribunt. Item varia de eorum proprietatibus, ut 1. adeo odisse recens natam prolem propriam masculam, ut nisi per dies aliquot à matre abscondatur, genita-

CS

lia



## De Unicornu

lia eius dentibus abscindant, congressus cum matre avertendi ergo. 2. Canes in sequentes excrementis perfundere adeò suaveolentibus, ut canibus circa illa cum delectatione occupatis celerrimè aufugiant.

### V I. Equus Indicus Unicornis.

**A**uctor est *Ælianus* lib. 3. c. 39. in India equos reperiri etiam unicornes, quorum cornua ad pocula usurpent, presenti bibentibus contra venena remedio.

## C A P. III.

### De Rhinocerote eiusq<sup>3</sup> cornu.

**S**eptimum animal unicornem facimus Rhinocerotam, non quidem ex nostra, sed vulgata plerorumq<sup>3</sup> opinione: Revera n. duo cornua habet ut ex autorum luculentis descriptionibus patet. Vnum in fronte ( alijs ex dorsi vertebra, ubi collo iunguntur, ac si pars vertebra eminens esset, sicut illa in parte gibbum licet cernere in tauro India Orientalis huc ad nos advecto ) breve sed validissimum nigrum, brachij ad eorum crassitie, colore pellis asinini & fibrosum, quod ad venena ab Indis in Insula Bengala usurpatur, teste



teste Garzia lib. 1. c. 14. alterum ex naribus  
exstans fortissimum & longè maius ac lon-  
gius priori, non rectum sed reflexum & a-  
duncum; Unde etiam Rbinoceros seu nari-  
cornis dicitur, à ῥίπ 1. e. nasus & κέρας  
cornu. Idem prodidit Pausanias, vidisse se  
in rebus Boeotijs, tauros Aethiopicos ab e-  
ventu nuncupatos Rhinocerotas, in summa  
nare singulos cornu habere, sed & super id  
alterum haut sanè magnum, in capite verò  
ne initium quidem ullum omnino comparere.  
Sic Martialis de Rhinocerote qui à Diocletia-  
no in arenam productus contra taurum & ur-  
sum, canit:

Namq; gravem gemino cornu sic extulit ur sù:

Factat ut impositas taurus in astra pilas.

Scaliger ait exerc. 205. de Rbinoce-  
rote: Est cornu gemino, altero pu-  
sillo in fronte, altero in nare robustissi-  
mo, quo audacissimè pugnat ac vincit E-  
lephantem: Ut jam desinant nugari Gram-  
matici de gemino cornu apud Martialem.  
Itaq; rectè geminum eius cornu ex Pausania,  
Eucherio, Pierio, & Lusitanorum experi-  
entia docuit Raderus in lib. 1. Martialis.  
de Spectac. Epigr. 22. Quod autem  
pleriq;



## De Unicornu

pleriq; rhinocerotæ unicornem faciunt, inde videtur fieri, quod pusillum in fronte non computent, quasi cum maiori ex naribus non comparando.

Est autem hoc animal Elephanto simile iuxta Dionem, longitudine ei par iuxta Plinium lib. 8. c. 20. sed humilior, si altitudinem spectes, quia est cruribus multo brevioribus; ferè tam altum quàm longum, capite suillo, tergore scutulato, & quasi varijs clypeis munito, colore buxæo. Alter hic genitus hostis Elephanto, inquit Plinius lib. d. cornu ad saxa limato se pugna preparat, in dimicatione alvum maximè petens, quam molliorem esse intelligit, eaq; perfossâ, actutum superat Elephantem (hinc German. Der Elephanten Meister dicitur.) Jta Emanuel Rex Lusitaniæ Anno 1515. Vlysippone dedit insigne spectaculum Elephantis cum Rhinocerotæ certantis, in quo Elephas succubuit.

Philippus Camerarius ex Jovio in cap. 25. l. 1. succis. inquit de Rhinocerotæ: Hæc belua paulò humilior est Elephanto, si altitudinem spectes, sed longitudine propè par, nostratis bubali formam referens



rens: Nam ungulas habet bisulcas, verum tergo buxei coloris, eoq; ab impenetrabili duritie duplicato, tanquam perpetuo thorace protegatur, armaturq; pedali osseo cornu, supra nares eminente, quo ferire sub utero, atq; transfodere Elephantem, peculiarem hostem suum solet, si tamen iniecta ad collum & occyssimè strangulantis proboscidis vim effugiat. Nam in congressu perpetuæ simultati, aut partâ victoriâ aut certe decora morte satisfacit. *Hac mera à Ῥῆναις istarum belluarum apparuit, cum Emanuel Rex Portugallia, Rhinocerotem Romam mittere constituisset, qui tamen in naufragio, cum esset compeditus, & ad miraculum usq; natando evadere conatus fuisset, in Ligusticis scopulis perijt. Ferunt hunc Rhinocerotem (pergit ibidem Jovius) cum ab Oceano Vlyxponensi in portu exponeretur, aspectu atq; odore suo Elephantum, qui tunc erat in Regia, usq; adeo truculentur terruisse, ut elephas ipso natura miraculo præcipuus hostis, concepto incredibili pavore septum cornu, ferreis ingentibus clatbris permunitum*



## De Unicornu

tum humerorum & capitis precipiti impulsu  
perruperit, & in longum se proripiens fugam;  
terribiliq; barritu edito, stridens & furens  
cuncta obvia prostraverit.

Rhinocerotà à Cardano ignoratum scri-  
bit Scaliger l. d. vel cum Monocerote confusum;  
At Cardano iniuriam fieri patet, ex ipsius  
verbis de subtil. l. 10. pag. 404. mibi, ubi  
sic loquitur: Gerit hoc animal ( elephas )  
inimicitias maximas cum Rhinocerote:  
**Hic est indicus taurus.** Corpus habet Elephan-  
ti fermè magnitudine, cruribus brevioribus,  
colore buxeo; totus testis quibusdam in mo-  
dum clypei armatus est à natura. In naris ex-  
tremo, iuxta nominis etiam sui significatum  
cornu gerit palmi longitudine paulò maius,  
durissimum, firmissimum, rectum atq; præ-  
acutum, sed quod versus frontem torque-  
atur, quodq; pugnaturus exacuit. Sunt  
& quidam ex his qui aliud exiguum e-  
tiam cornu habeant in tergore. Refe-  
runt anno salutis M. D. XIII. delatum unum  
ad Lusitania Regem calendis Maij, quem  
Rex biennio post spectaculi causa Vlysipona

cum



cum elephanto commisit, vicitque Rhinoceros. Adeo nihil natura voluit omnino ab incommodis esse tutum: nam elephantem hic solus exagitat, dicunt quidam & serpentem: sed societas elephantem tutum ab utroque reddit, nec periculo subiacet, nisi cum causa aliquâ à grege suo disiungitur. Rhinocerotem Pausanias vidit, agnovit & Plinius, non tamen Aristoteles. Constat hunc longe alium esse à Monocerote, cum quo solum nominis similitudine colludit.

Marcus Paulus Venetus, qui vixit circa annum Christi 1300, quiq; magno Cham, Tartariæ Regi diu servivit, & remotissima loca orbis terrarum peragravit, ita describit Monocerotem, ut Rhinoceros ferme is esse videatur. Scribit, inquam, in regno Basman Java minoris monocerotem sive unicornu inveniri, bestiam ingentem, paulo minorem Elephanto, pilo Bubali, capite porcino, & tam gravi, ut illud perpetuo ad terram inclinet, unico cornu in media fronte, eoque nigro & grosso: linguâ spinosâ qua homines & animalia ledit. Nisi forte peculiaris aliqua animalis unicornis species fuerit, cum



## De Unicornu

cum scribat magnâ multitudine ibi reperiri.  
Quidam v. ut ex supra dictis liquet, Rhinocero-  
tes vocant tauros Ægyptiacos, alij tauros  
Indicos etc. Rhinocerotæ & Hippopotamum  
primum visos Romæ, scribit Dion Augusto de  
Cleopatra triumphante: Etiam si Pompei  
ludis factum id Plinius tradat. In arenam  
produxit Rhinocerotem contra taurum &  
ursum Diocletianus (alijs Domitianus) Im-  
perator in dedicatione Amphitheatræ, &  
nummum cudi iussit, cum effigie Rhinocero-  
tis, ut significaret, se instar rhinocerotis pri-  
mò magnanimum esse, ac præditum fortitu-  
dine regali, Secundò se tardum esse ad iram,  
sed ea concitata implacabilem. Id explicuit  
duplici Epigrammate Martialis qui Diocletia-  
no fuit in delicijs. Priori explicat robur incõ-  
parabile rhinocerotis, in duello taurum instar  
pila jactantis, atq;:

Præstitit exhibitus totâ tibi Cæsar arena,  
Quæ non promisit prælia Rhinoceros.  
O quàm terribiles exarsit pronus in iras!  
Quantus erat cornu, cui pila taurus erat!

Altero



De Unicornu

17.

*Altero docet eum tardè irasci , sed ubi  
irascitur, esse furiosissimum , ac ferire hostem  
non uno , sed duobus cornibus , Ait enim :*

*Sollicitant pavidī dū rbinocerota magistri,  
Seq̃, diu magnæ colligit ira feræ;*

*Desperabantur promissi prælia Martis:*

*Sed tamen is redijt cognitus ante fūror.  
Namq̃, gravē gemino cornu sic extulit ursū  
Factat ut impositas taurus in astra pilas,*

*Cornu eius, cum in Italia degerem , venale  
reperi Romæ , Neapoli , Florentiæ , Pisis &  
Mantua. Fuit a. per omnia solidum , nec in-  
teriùs concavum : est pro belluæ quantitate  
maius vel minus , à basi lata in acutum as-  
surgens , foris nigricans , intus ex nigredine  
dilutiori obscure flavesceus. Vnum habet pecu-  
liare , quo ab alijs expeditè dignoscitur ,  
quod linguâ madefactum graveolentem exusta  
materia spiret odorem. Pulverem inde præ-  
parant Mantua apud pharmacopæum Prin-  
cipis , & Verone apud Pharmacopæum ad  
insigne scalæ sub ponte novo ( qui à seniore  
Calceolario se accepisse ceu arcanum mihi  
narravit ) additis præcipuis cordialibus &  
D præ-*



### De Unicornu

pretiosis, eumq; commendant, sicut & alij nudum huius cornu pulverem ad quævis venena, etiam philtrea, quamvis febre, inprimis malignam, pestilentem, petechialem, variolas & morbillos, Epilepsiam, spasmus, tremorem, vertiginem, dolores stomachi, vomitum navigantium, vermes puerorum, impotentiam veneream, dolores uterinos. Dosis à granis 10 ad 20. in adultis in aqua convenienti, in pueris dimidium, in infantibus 5. Ipsius cornu sine additamento dosis summa est in adulto, ubi magna in magno aliquo effectu efficacia desideratur, gr. xv.

Placet huc adscribere verba Francisci Ferdinandi, qui ita scribit: Nicolaus de Comitibus Venetus in suo itinerario cuiusdam meminit portentosi animalis (forte illud asinus Indicus, quale enim sortitum sit nomen, non declarat hic autor, licet Maiolus Rhinocerotem nominasse aliud agens dicat, cum quo tamen aliquam videtur habere similitudinem) Hic igitur scriptor Mangi Orientalis India describens provinciã, Est ibi etiam, ait, quoddam animal caput habens porcino simile, caudam bovinã, quamvis brachio longius, color illi et proceritas



ceritas velut Elephanti, cum quo illi perpetuum bellum, cornu illud omni dicitur venenatæ rei remedio esse, qua de scausâ magno est in pretio. Vulgò certè creditur ab omnibus cornu huic unicornis dicti, talem inesse naturalem vim, ut venena à cibo expellat vel potu, & ideo in magnâ ubiq; gentium æstimatione est. Vidimus nos Romæ duo Clementis VIII. P. O. M. B. alterum, alterum verò ipsius nepotis Illustrissimi Principis Petri Cardinalis Aldrobandini, quæ quidem inter pretiosam utriusq; supellectilem non minimo habebantur in pretio: Utrumq; bicubitali longitudine, brachiali crassitudine. Videramus iam prius aliud Toleti in Pharmacopolæ illius tabernâ, cui regio munere concessum, ut theriacam solus conficiat; quod tamen multò erat brevius, vix enim palmum cum semisse implebat, & nigrius alijs, acutæ quidem cuspidis, sed adeò crassum, quâ parte erat rescissum, ut vix tribus posset palmis orbis eius circumscribi, Hoc verò cornu ingenuè

D 2

falsus




## De Unicornu

fassus est mihi pharmacopola unicornis non esse, talem ei inesse naturalem virtutem experimento se comperisse affirmavit, ut praesentem contra venena omnia vim haberet, *Hæc ille.*

## C A P. IV.

### De Monocerote vero, eiusq; cornu.

 *Cartarum tandem genus animalium unicornium, fecimus Monocerotem, strictè ita dictum, quem Ælianus audivit vocari Cartarorum, Italis lionfante, alicorno vel lioncorno, quasi Leonis cornu, ob robur, Arabibus Alcherebedam, teste Andrea Bellunensi, Danis Enhorn: qui diu fuit pomum Eridos atq; à non paucis putatus in rerum natura nunquam repertus, aut etiamnum reperiri. At revera dari in rerum naturâ, præterquam quod invicta sacra scriptura hoc nomine supra adduximus testimonia; autores qui partim descripserunt, partim ipsa animalia*



*lia viva viderunt, partim cornua eorum seorsim contrectarunt, in apricum iam sumus producturi, praesertim cum illorum descriptiones facile cum sacris literis consentiant.*

*Inter autores Plinius, (& ante eum Ctesias) hoc animal dari scribit & describit l. 8. nat. hist. c. 21. Aelianus inter Graecos scriptores non infimus lib. 16. de animal. c. 20. & l. 17. c. 44. Julius Solinus Polyhistor c. 55. Isidorus lib. 12. Etymol. c. 2. Marcus Paulus Venetus l. 3. c. 15 Ludovicus Vartomannus patritius Romanus in itinere suo Aethiopico lib. Navig. 1. c. 19. qui duos sibi visos refert in Mecha felicitis Arabia urbe cratibus inclusos; Cui Vartomanno, inquit Scaliger, viro optimo habenda fides est, Munsterus idem scribit in Cosmograph. l. 5. cap. de Mecha, atq; Cardanus de subtil. l. 10. pag. 405. Et subscribunt Scalig. exerc. 205. Boetius de Bood lib. 2. de lap. & gem. cap 244. Andreas Baccius tract. de halicorno Ital. conscripto, Franzius in hist. animal. sacra cap. 11. Sennertus institut. phys. lib. 7. c. 5. alijsq; probatissimi viri. Jdaith Aga orator Solimanni apud Maximi-*



## De Unicornu

lianum Imperatorem, Marcus Scherer ante  
abiuratam religionem Christianam dictus,  
Vienna frequentiprimariorum virorum coro-  
nâ se in Arabiâ deserta dixit vidisse gregatim  
obversantes ut armenta, monocerotes, refe-  
rente Jordano, Philes talem dedit nobis de-  
scriptionem: (qua talis est ex traductione  
doctiss. Joachimi Camerarij, archiatri  
Norriburgensis reip.)

Est unicornis India fera cognita  
Horrenda visu, calcium quibus ferit  
Armis timenda: sed ore si quem proruens  
Morderit, vix Paonis solers manus  
Præsens levarit vulneris periculum;  
Hæc insolenter verticis motans jubam,  
Longumq; noxiumq; cornu porrigit:  
Quod frontis enatum sub ipso tubere  
Non est cavum, nec more cornuum leve,  
Nec compari undiquaq; constat germine,  
Limaq; ferri visitur mordacius  
Gyris in orbem convolutum iugibus.

Hæc Philes, qui pleraq; sua ex Æliano tran-  
scripsit, unde eius simia dictus. Sic & Cada-  
mostus testatur se duos vivos vidisse; Unum a-  
pud magnum Ducem in Mecba, alterum in  
palatio magni Chami Tartari. Quæ verò de  
hoc



*boc animali scribi digna videntur, vel conformationem corporis, & eius partium; vel proprietates concernunt.*

Quo ad Conformationem. 1. Magnitudo est equi Vartomanno, & quidem conformata aetatis equi Aeliano. 2. Caput cervinum q. est, Plinio, Solino, Vartomanno & Cardano. 3. Reliquo corpore equo potissimum similis, Plinio; cervo iuxta Cardanum, 4. Juba equi, Aeliano; eaq. rarior, brevior, Vartomanno; rarissima & in alteram tantum partem tendens, Cardano. 5. Color pili balius Vartomanno, fulvus Aeliano, mustela similis Cardano, 6. Crura macilenta ac tenuia, & pedes cervi ac coxae villosae, Vartomanno. Pedum & totius corporis bonitate excellit, atq. similiter, ut Elephas pedum digitis indivisis est Aeliano; Unde Plinius ait, pedes esse ut Elephanti; ideoq. nulla hic inter illos autores est contradictio. In unico unicus contrarius est Vortomannus, qui de duobus Mebensibus scribit, habuisse ungulas bifidas, & pedes caprinos, posteriores extrorsum villosos, tibias anteriores tenues, & binnuli modo graciles, itaq. haec omnia imitatus est Cardanus his verbis: Crura velut capreolo

D 4.

tenuia



## De Unicornu

tenuia, posteriorum exterior pars multo pilo villosa, ungulae bifidae. Et sequitur Munsterus: Nec novum est individua eiusdem speciei invicem differre, ratione loci, pabuli, aëris, ætatis, educationis, ut mutatio sit in pilis, colore, cornibus &c. ut rectè advertit Baccius: & hoc in plurimis animalibus exempli loco edocuit Cattellanus in discursu de Unicornu cap. ult. 7. Cauda apro similis Plinio & Æliano, Solino suilla. Addunt nonnulli barbam hircinam. 8. Cornu unum habet media in fronte, illudq; nigrum (non quidem intensè, sed instar cervini, fuscum) Æliano, Plinio, Boëtio qui verum aliquoties vidit, & Cardano qui se vidisse refert: & consentit Lælius à fonte in Consult. Med. 224. mihi pag. 665. atq; Franzius lib. d. qui addit esse foris nigrum propter corticem quo tegitur, intus verò candidum & splendidum, non læve sed in spiras vel versuras quasdam naturales contortū, Æliano Boëtio, Cardano, Lælio: In mucronem desinens Æliano, ac insuper rectū Boëtio, longitudine modò cubitorum duum, ut Plinio, modo trium, ut Vartomanno & Cardano; pedum quatuor Solino: neq; mirum  
variare



*variare longitudinem, tum ratione ætatis, tum regionis, &c. Sic in Anglia bobus eminentiora sunt cornua quam alibi; variari & colorem: nam usu & temporis diuturnitate, natus ille externus splendor per di potest, ut in castaneum abeat, unde nonnulli cum Solino purpureum esse dicunt Quod vidit Boëtius Venetijs, fuit 6. pedes longum, intus ad pedum duorum longitudinem à basi concavum, ad basin autem ovi gallinacei maioris crassitie paulatim in acutum mucronem desinebat. Fatetur Baccius illud esse verissimum quod est Parisijs in templo S. Dionysij. Hoc quia à Cardano est descriptum, lib. 17. de Variet. Rerum cap. 97. verba eius subiiciam. Verum, scribit, Monocerotis cornu, quod longè pretiosius est vixq; senescit, dum Lutetiâ iter in Scotiâ agerem, vidi: aderat enim fortè fortuna Joannes Manienus medicus, vir egregius & mathematicarum studiosus, qui nos quotidie invisebat, est autem officiosus admodum vir. Is igitur cum esset medicus monachorum beati Dionysij, nos deduxit ad templum illud toto orbe celebratum,*

D 5



### De Unicornu

bratum , quod à Lutetiâ abest tribus millibus passuum, est autem augustissimum : ubi cum sepulchra regum, statuas, cæteraq; ornamenta marmorea vidissemus, monocerotis cornu , quod in templo pendeat, demissum diligentius consideravi. Erat a. longius quam ut extensâ manu , stansq; apicem attingere possem : Crassitudo exigua pro longitudinis ratione, nam duobus primis digitis utrinq; facile complecti poterat : adeò verò sensim in acutū tendit, ut vix minui videatur, cum in apice pollicis crassitiē retineat. Teres ubiq; & quasi fascijs ab imo ad summum in cochleæ formam ascendentibus distinguebatur. Erant a. fasciæ quinq; , quas lineæ mediæ & ipsæ in spiræ modum ascendentes dispersebant, nulla cavitate, neq; natura quod sciam, huic simile quicquam efficere solet, sed ars, quasi in torcularibus. Sed torcularia duas habent tantum fascias è quibus una causa est, cornu hoc quinq; : nec cavitatibus ullis, nisi admodum exiguis, interpositis; ab imo inane est ut boum cornua



nua: Sed inanitas non maior est solidi-  
ore parte, neq; enim tenuia sunt labra,  
rectissimum ad amussim. Color qualis  
cervino, sed absq; ramis, & longe gravi-  
us: pendebat enim libras septendecim  
cum tertia. *Putat idem Baccius, penes quem  
fides sit, verum etiam haberi Argentinae &  
apud Regem Polonia: verum etiam Metis  
asseruari ferunt. Petrus Bellonius Cenoman-  
nus in singularibus suis observationibus. l. 1.  
c. 19. ita describit: Quod apud D. Dionysij  
phanum est, quod omnium maximum  
existimamus, inter ea quæ hætenus con-  
specta fuerunt, maius præconium mere-  
tur, quam aliud quodvis cornu, quod in  
animali procreatum viderimus. Natura-  
le etenim est, haud artificiale, in quo o-  
mnes notæ, quæ alterius animalis cornu  
conveniunt, reperiuntur, & quoniam  
concavum est, existimandum est; non  
esse deciduum ut nec casellarum Cha-  
moix, bove est ain cornua, contra  
quam damis, cervis & hinnulis, quibus  
decidunt. Nullus est procera quan-  
tumvis staturæ, quæ vix ad illius  
summi-*



### De Unicornu

summitatem pertingere queat : septem  
n. magnos pedes longum est, Decem  
& tres duntaxat libras & uncias quatuor  
pendet : si quis tamen subleuet, plusquam  
decem & octo libras pendere existimet.  
Eius figura recta est instar cerei inferiore  
parte crassa, deinde paulatim usq; ad mu-  
cronem gracilescens : eius etiam crassi-  
tiem manus complecti nequit , cum  
quinq; digitos in diametro habeat : atq;  
si quis funiculo crassitiem metiatur , pal-  
mum & tres digitos inveniet. Inæquale  
nonnihil est eâ parte, quæ capiti inhæsit  
tota deinde reliqua parte levi & politâ :  
levibus canaliculis striata est cochleæ in  
morem ab infima parte ad extremum  
mucronem , à dexterâ ad sinistram , o-  
mnibus strijs in gyrû vergentibus, quem-  
admodum in limacum testis , aut fuste,  
quem periclymenum ambierit. Eius co-  
lor non omninò albus est ; nam temporis  
iniuria fuscum nonnihil redditum est.  
Integro pede cavum est, aut eo amplius  
infima parte, qua ossi, quod capiti firmi-  
ter adhæsit, insertum fuit, Hinc iudica-  
re



re licet, minime deciduum esse. Cum  
porrò tantum onus animalis capiti in-  
cumbat, animal quod illud gestat, ingen-  
tis corporis, bove non minus esse conijci-  
endum est : *Duo verò quæ vidit Boëtius,*  
*unum Venetijs, alterum Praga, quia egre-*  
*giè conveniunt cum Parisiensi; Et cum veris*  
*notis veri unicornu; eius etiam verba non*  
*gravatim exscribemus. De eo ergò quod Ve-*  
*netijs videbat apud quendam rerum exotica-*  
*rum studiosissimum ita loquitur: Sex pedes*  
longum fuit ad basin ovi columbini ma-  
ioris aut ovi gallinacei minoris crassitie,  
paulatim in acutum mucronem desi-  
nens, intus ad pedum duorum longitu-  
dinem, à basi concavum. Color externus  
ferè niger fuit, ut ligni guaiaci nucleus  
interior etiam niger esse solet. Tanto  
lævore præditum erat, ac à basi versuras  
paulatim ad mucronem tam eleganter  
æqualiq; distantia, procedentes habe-  
bat, ut arte elaboratum fuisse videretur.  
*Et paulò post: Id profectò cornu vero*  
Monocerotis animalis cornui omnibus  
notis



### De Unicornu

notis respondebat, atq; pro eius cornu habui, licet ille aliter senserit. Nam huiusmodi viris parum exercitatis, à mercatoribus, quibus credunt, facile imponitur: fortassis quia ad venena expellenda & arcenda vires non habuit, pro Monocerotis cornu habere noluit, cum tamē ut dixi, Monocerotis cornu viribus illis careat. Simile planè cornu vidi apud Philibertum de Bois mercatorem Pragensē, qui id à legato Ducis Muscoviæ Pragæ degente pignoris loco ad se pro mille ducatis receperat. Sed cum nullæ eius ad venena vires deprehensæ fuissent: indicatum fuit à Gemmarijs Monocerotis cornu non esse, licet omnibus notis attestantibus fuerit.

*Philippo II. Hispaniarum regi pro singulari dono inter munera honoraria multa alia à Turcarum Imperatore missa fuisse duodecim cornua Monocerotum, singula pedes quatuor, et totidem digitos longa, vide historiam Belgicam Jmman. Metzerani lib. 13. pag. 238. linguâ Belgicâ Delfis in fol. Anno 1599, de quibus valde dubito,*



*dubito, quod vera fuerint, cum tanto numero  
haberi potuerint, Nequè assequi satis possum,  
num Electoris Palatini verum fuerit: ipse  
lector ex descriptione iudicium faciat,  
& examine Medicorum Heidelbergensium,  
quod Miscel. Med. Smetij lib. 8.  
insertum est, epist. 1. pag. 388. Ita v.  
habet: Descriptio cornu admirandi,  
quod Principes Palatini ad Rhenum  
Electores inter κειμήλια pretiosiora  
Heidelbergæ reservant, & pro Monocerotis cornu habent, à Medicis v. &  
Pharmacopoliseius loci, iussu illustriss.  
Principis, Johannis Casimiri, Tu-  
toris & Administratoris Electoralis  
15. Novemb. 1586. accuratè exami-  
natum est. Unicornu illud Electoris  
Palatini ad Rhenum, quod 15. No-  
vemb. 1586. à Medicis & Pharmaco-  
pæis civitatis & Academiae Heidelber-  
gensis, Principis mandato diligentissimè  
contemplatum est, substantia constabat  
verè cornea, eaq; dura, qualis in cer-  
vorum quoq; cornibus spectatur.*

pondus



### De Unicornu

Pondus eius marcas viginti sex ; ac insuper uncias binas cum semisse, ( marca ad uncias octonas æstimata ) & sic in universum uncias ducentas, & decem cum semisse pendebat, hoc est, libras Romanas septendecim, unciasq; senas cum semisse. Longitudo exactè ulnas quatuor Heidelbergenses, vel pedes fabriles octonos continebat, tametsi apice extremo graciliori ad pristinam proceritatem aliquid, circiter sesqui digitum fabrillem, vel paulo quid amplius requirebatur, quod Albertus Marchio Brandeburgicus ( qui ante possederat ) illi per transversum non tamen exquisitè quondam defregisse dicebatur. Crassioris partis extremitas ambitum habebat digitorum septem cum semisse, qua a. crassissimum erat, nempe xv. digitos sursum crassitiem mensi sumus, *sesquidigito* ampliorem, quam in imo ( quod insolens valde est ) adeò ut ambitus eius novem digitos impleret. In ora illa crassiore excavatum erat ad digitos tres rectà sursum, nullà rotunditatis servata proportionem



tionē. Circaimum enim lima subinde  
abradendo non exiguum decesserat,  
quo factum ut limbus in ambitu sub-  
tenuis spectaretur, adeoq; in fundo ca-  
vitatis intimo, albicans quiddam medul-  
laceum reperiēbatur, substantiæ raræ &  
siccæ. Ab imo usq; ad summum, striæ  
quædam turbinatæ, aut versuræ tortorum  
funium modo, sensim ascendentes vide-  
bantur. A mucrone aut tenuiori extre-  
mo ad septendecim digitos deorsum  
apparebat rimula, tanquam fractura  
quædam in transversum tendens. Nulla  
ibi erat obliquitas aut incurvatio, qualis  
in alijs cornibus, sed rectitudo mera,  
sicut in hastilibus venabulorum ( quæ  
Schweinspies vulgus vocat ) quorum for-  
mam utcunq; referebat. Quin etiam  
qua ad extremitatem crassiore magis  
vergebat, rudius, inæqualius, asperiusq;  
erat, qualiter & cervina plerumq; exi-  
stunt. Color erat ex fusco cineritius, in  
flavitiem dilutam vergens, præcipuè  
quod in versuris aut strijs, versùs gracili-  
orem finem magis exstabat.

E

Mo-



## De Unicornu

Modus quo capiatur hoc animal variè à varijs describitur. 1. Per virginem, ut infra sequenti capite dicitur, aut iuvenem virgineo bahito: Qui modus fabula similis. 2. Ex Epistola Regis Æthiopiæ ad Papam Romanum talis indicatur. Leo unicornem admodum metuens, post arborem grandiore se abscondens ab unicornem dum impetuosè petitur, cornu tam altè in arborem unicornis adigit, ut hac ratione captus à Leone perimatur, posteaquè reperiatur.

## CAP. V.

### De proprietatibus Monocerotis animalis.

Affectiones & proprietates præcipue sunt :

1. Locus generationis quibusdam est India orientalis, alijs occidentalis in Insulis nonnullis : quibusdam ut Vartomanno & Cadomosto : Indubiè verò in omnibus istis locis reperiuntur, & fors etiam in Russia,

Mosco-



Moscovia & alibi, ubi loca sunt deserta & solitudines. His n. præcipuè delectari hoc animal, autores ferè consentiunt. Ælianus ait l. d. quod desertissimas regiones persequatur simul & solitarius erret. Cardanus inquit de subtil. l. 10. p. 450. Nascitur in Æthiopia inter solitudines, squalentēq; terram atq; inter serpentes. Quia ergo in eremis incedit solitarium, atq; à locis multum frequentatis abstinet, estq; præterea, ut Cardanus l. d. addit animal rarum; hinc pro miraculo penè habetur, si quando aliquod eius cornū inveniatur. Quod fortè à fluminibus ex vastis istis desertis fluentibus animali mortuo devehitur. Unde nonnulli aiunt, cornu hoc arenis obrutum ad littora fluminum in Æthiopia & India reperiri. Ex hisce liquidum est, mirandum non esse à paucis oculis usurpari hoc animal; à multis ideoq; negari ac si in rerum natura non daretur. Vnde Paræus ait, supra loco atfigato: Profectò Romani domito orbe, omnium quæ rara adeoq; pulchra essent, inquisitores diligentissimi, si uspiam aliquo orbis in



### De Unicornu

angulo talis latuisset fera, eius sibi copiam fecissent, & nummis suis aut armis insculpissent, quemadmodū crocodilos, Hippopotamos, Elephantos, aquilas, Pantheras, Leones, tigres & alia his regionibus ignota animalia inscripserunt. *Paro a. responderi potest. si Romani unicornē non insculperunt nummis; fecit id Alexander M. in memoriam victorum Indorum; tum enim ex varijs metallis conflata Medaia, ut vocant, insculpi curavit unicornem mansuetē ad pateram caput inclinantem, & vinum inde bibentem, cum inscriptione græca υνικωρ, eo quod, ut existimatur, Baccho Nysseno à Nyza capta consecraverit. Quale monumentum metallicum habuisse & studiosis antiquitatis ostendisse dicitur Dux Ferraria. Romani a. quia in Indiam non penetrarunt, sed tantū usq; ad Partbos, excusandi idcirco sunt quod non fecerint, quæ Paros desiderat: quanquā putent aliqui sub Gordiano unicornem Romæ fuisse, scribente id Julio Capitolino.*

2. Summa ferocia, ut cicurari non possit, ab homine tractari, aut præsepi alligari & hominibus servire: quod supra ex locis scriptura citatis adstructum est, Plinius consentit



tit libro dicto, qui vocat asperissimam feram, quæ viva non capiatur: Ælianus distinctius ait, non meminisse quemquam ullum Monocerotem integra ætatis captum fuisse. Solinus ait: Interimi quidem potest, capi non potest. Sic solent animalia esse ferocissima, quæ gaudent solitudinibus. Caterum Autorum hic animadverto dissensum. Ælianus scribit, Monocerotem ad alias quidem bestias ad se accedentes mansuescere, cum gregalibus v. suis pugnare, neq; modo cum maribus naturali quadam contentione dissidere, sed contra etiam fœminas certare, pugnamq; usq; ad mortem victi ingravescere. Coitus v. tempore ad fœminam mansuetè adsuescere, & pariter pasci; cum hoc tempus transierit, & venerem fœmina ferre caperit, rursus efferari & solum vagari. S. Gregorius & Isidorus asserunt, cum Monoceros sit animal tanta fortitudinis, ut nulla venantium arte capiatur, inermem tamen capi, & quasi soporatum, si virgo puella ei proponatur, quæ venienti sinum aperiat, ubi ille omni ferocitate depositâ caput deponat; imò amplius hanc in rem Frantzius scribit, quod utcunq; savum sit hoc animal, tamen sexum fœmineum veneretur, & ad fœ-



## De Unicornu

*minas accedat, & iuxta eas in somnum resolvatur, atq; ita delapsum sepè capiatur, ligetur, donec tandem cornu eius ressecetur. Subdit (ex Job. Tzeze qui vixisse putatur Anno 1176) : Juvenem igitur robustum vestibis virginis induunt, & aromatibus conspergunt, & constituunt in vicino aliquo loco, unde odor cum aëre perveniat in nares bestiae. Interim ergò dum ipsi venatores occultantur, accedit bestia ad juvenem, qui odoratis & amplis manicis oculos ipsius tegit, ut venatoribus liceat accurrere. Hæc ille. Quia in autoribus satis luculentis ut Æliano, Plinio &c. non reperio, malo cum Paulo Veneto l. d. Gesnero in monocerote, alijsq; viris doctis statuere, qui hanc de cicuratione per virginem narrationem pro fabula habent, ortâ ex eo, ut asserit Gesnerus, quod monoceros cum sit asperimus, tantum mitescat, quando amore incalescens, dum tempus est generandi, positâ feritate, blandè ad eam accedit, cum eaq; pascitur et commiscetur. At mox, ubi eam concepisse, & uterum intumescere sentit, ad pristinam feritatem, aver:*



*aversionem & solitudinem redit : ut supra ex Æliano audivimus. Hæc sententia sacris literis, quæ fera huius incomparabilem feritatem & ferociam asserit, consentit, atq; rationi recte; quæ si generatio & propagatio speciei fieri debet, perpetuum odium & certamen contra femellas non admittit.*

*Vartomannus mansuetum scribit esse animal, cuius verba non pigebit adscribere l. d. De Unicornibus ait templi Mechæ in Arabia, Mahometis sepulchro nobilis, quos Monocerotas appellant, qui fermè alibi non visuntur, sic scribit; in altera delubri parte septa visuntur, sive claustra appellare mavis: in quibus unicornes gemini asservantur, locoq; miraculi, populo spectandos præbent. Nec abs re, res n. miratu est dignissima. Sunt a. huiusmodi, ut ilicò denarrabimus. Alterum eorum, quem constat longè prociorem esse pullo equino 30. menses nato, haud absimilem crediderim. Prominet in fronte cornu longitudine trium cubitorum, Longè natu minor est alter,*

*utpote*



### De Unicornu

utpote anniculus, ac equino pullo simili-  
mus; eius cornu quaterni palmi longitu-  
dinem haud excedit. Coloris est id ani-  
mal equi mustellini, caput cervi instar:  
Collo non oblongo: rarissimæq; iubæ,  
ab altera parte solum dependentis. Tibias  
habet tenues, easdemq; graciles admo-  
dum, hinnuli modo, Ungulas antero-  
rum pedum bifidas habet, caprinos pe-  
des fermè referentes. Tibiarum poste-  
riorum pars exterior villosa est, piliq;  
plurimi, sanè id animal ferum videtur,  
verum ferocitatem nescio quâ comitate  
condivit. Eos unicornes quispiam Sulta-  
tano Mechæ dono dedit, ceu rem inven-  
tu rarissimam, eandemq; pretiosorem.  
Advecti sunt ex Æthiopia ab Æthiopum  
Rege, ut eo munere necessitudinem con-  
iunctissimè cū Sultano Mechæ præfecto  
iniret. *Haëtenus Vartomannus. In pauculis  
ab alijs eius descriptio dissidet. De quo dissidio  
sic Baccius:* Differt à cæteris in ungularum  
descriptione, nam bifidas esse profitetur  
more caprarum, cum Plinius & Ælianus  
integras esse dicant, similesq; Elephan-  
tinis.



tinis. Sed in hoc tueri potest dicendo assimilationes dari pro exemplis, non autem quod totæ tales sint, quin minor adhuc proportio existit, si dixerimus pedes habere omnino Elephantinis similes: si animal ipsum equum magnitudine non superet. Et licet etiam pedes Elephantorum callosi sint & rotundi, videntur tamen ungulas habere non nihil divisas, eaq; in re à solipedis differt, eamq; differentiam annotare voluit Barthema cum æquiore proportionem cū caprinis eis assimilarit ungulis. Sed cur nos circa has differentias exercemus? Ecquæ datur alicuius rei sive ea ex fossilibus sit, aut plantis, aut animalibus, descriptio, quæ nō apud diversos, qui eam describunt, variat? Ecquis itim ille est, qui non aliquando decipitur, & in ijs maximè, quæ nunquam vidit? Nunquam autem antiquis visum fuisse unicornem (qui de eo scripserunt) sed ex aliorum narratione scribere, pro indubitato mihi persuadeo. Vnde natum est, quod quæ de hoc animali prædicantur, fabulosa ferè habeantur,

E5

&amp; à



## De Unicornu

& à nobis propter narrationis diversitatem difficillimè invicem concilientur, quare summo isthæc cum iudicio à Lectore examinanda erunt. Si enim dixerimus ea propter aliquid fabulosum esse, quia diversimodè de eo ab autoribus scribitur, omnes etiam historias, etsi verò alioqui veriores, falsas etiam esse concedendum foret, quandoquidem & in earum enarratione non semel variant historici : sufficit n. ut quæ dicuntur, conveniant in ijs, qua sunt maioris momenti, magisq; essentialia. *Hæc Baccius.*

*In Vartomanni relatione meritò desideramus, quod de feræ caudâ & voce, deq; ipsius cornu, colore ac versuris nil indicet. Sed quid de hac relatione Vartomanni sentiendum breviter explicabo. In initio quod Sacra scriptura asseverat, tanquam omni exceptione maius credendum, nemo sana mentis inficiabitur. Sed anne Vartomanno, optimo viro oculato testi habenda fides, dices, suadente Scaligero? Utiq; & hoc largiemur. Sed commodâ interpretatione Vartomanni testimonium*



monium leniemus. Si in Joban. Langij sententiam luberet concedere l. d. qui Sultano ex Æthiopia missos illos unicornes, per boves unicornes India interpretatur, res utrinque salva esset. Quo minus a. huic subscribamus, varia obstant. Initiò non presupponendum Vartomannum ita rudem, ut discrimen inter boves illos India & Monocerotis ignoraverit, deinde cornu boum Æthiopicorum superius ex Scaligero descriptum minimè convenit cum Vartomanniana cornu descriptione: econtra tota descriptio Vartomanni paucissimis exceptis, verum monocerotem representat; tandem regem Æthiopia Sultano eos unicornes dono misisse ceu rem inventu rarissimam & pretiosissimam, ad arctiorem ineundam necessitudinem, ex narratione liquidum est; quod de vulgaribus boum unicornium cornibus affirmare ridiculum esset. Posset quis alio modo conciliationem moliri, nempe, existimando in Æthiopia Monocerotem esse mansuetum, alibi verò ferocissimum; sed cum fundamine probabili careat coniectura, eò adducor, ut putem pullos adductos ex Æthiopia, non integræ  
ætatis



## De Unicornu

atatis animalia ; hac enim non capi viva, testis est Ælianus. Rationem mee coniecturæ capio exinde, tum quod ex Vartomanni relatione conspicuum sit, juniores fuisse feras illas Mechenſes, tum quod Ælianus lib. 16. de anim. c. 20. expreſſe ſcribat : Præſtorum Regi illius pullos etiamnum teneros deportari, eosdemquæ feſtis & panegyrîs diebus comitti ad robur oſtendendum. Quamobrem Mechenſes longo iam carcere domiti minimè feroces.

III. Affectio, Inexpugnabilis fortitudo, ſupra ex ſacris literis aſſerta ; & conſentiunt autores prophani. Ælianus inquit : Corporis maximo robore præditus eſt, & cornu inprimis inexpugnabili armatur.

IV. Vox eius omnium maximè animalium abſona & contempta Æliano, Mugitus gravis Plinio, mugitus horrendus Solino.

V. Summa Sævitia, ſuprà ex ſacris literis.

VI. Agilitas & curſus, ſupra in didem.

VII. Quidam ſcribunt, quod ſuis inſtar in luto & cæno ſevolutare gaudeat.

IIIX. Et quod inſtar Rhinocerotis cornu ad ſaxum acuat, ut eò celerius obvia quæq; penetret



penetret. *Alias proprietates mittimus autoritate luculentâ destitutas : Ut inter alias, quod ferunt armenta vicina non bibere ex aquis per venenata animalia infectis, nisi prius biberit unicornis, immisso cornu tanquàm alexipharmaco.*

## CAP. VI.

*Monocerotis cornu, non magis quàm vulgaria cornua, adeoq; penè nihil virium contra venena obtinere.*

*Rectissimè dicitur : Opinio quando in idiotas cadit, est indelebilis. Videre hoc licet, non in vulgo tantum, sed quibusdam Sapientibus, qui vulgi placita secuti huic cornu vim tribuerunt alexipharmacam & cordialem (quæ in calida aquâ pereat, in frigida diutius permaneat) de qua optimi Autores ne grj quidem, alij verò experientias contrarias citaverunt. Augenda fabula circulatorum nescio quæ signa commenti sunt, anilia deliramenta, de eius sudore, quem presente veneno, aut admoto venenato animali statim inde morituro, emittat; ebullitione, quam tamen in aqua præstant omnia immersa porosa: circulo expulvere unicornu factò, quem scorpius aut aranea in area eius posita transilire*



### De Unicornu

re non audeat; aliaq; fictitia & experimentis contraria. Mirum ergo practicorum quorundam bodie libros hoc cornu ad venena, febres malignas atq; pestilentes ullo modo velle commendare; quod revera est laterem lavare; & frustra aliorum relatione commendant Ficinus, Brasavolus, Mattbiolus, Mundella, Fernelius, Jubertus, Fumanellus, Andernacus, Hollerius, Vallesius. Et si meis quis verbis parum fidei habendum censeat, prastantissimos virorum in medium adducam.

Certè Ælianus diligentissimè Asinum Indicum describens atq; etiam Monoce-  
rotem; de illius cornu scribit, contra venena valere; de huius planè nihil tale; sed pisce magis mutus est. Immo ignorarunt omnes qui feram banc descripserunt. Andreas Baccius inquit l. d. Mirandum, non constare, quinam prædicta cornua Romam, Venetias, & Lutetias comportaverint; quando, quomodo & quales operationes præter ordinarias præstent, præter quam, quod semper



per in communi admiratione & æstima-  
tione maxima multorum millium du-  
catorum fuerint. Quin potius illorum  
conspectus solus admirationem parit,  
considerando pulchritudinem splendo-  
remq; gemmarum adinstar cum tan-  
tâ substantiæ puritate, ut in tot seculis  
nec maculata, nec ullo modo decolorata,  
(quod in ebore accidit) aut contamina-  
ta fuerint, nisi quod in nonnullis locis  
probationis gratiâ, abrafa esse videntur.

Vnde mirum non est, Principes  
illos, eorumq; Medicos deceptos fuisse,  
cum in nullo antiquo scriptore inve-  
niatur, vel etiam legatur, quod unicornu  
per os exhibeatur, nec compositiones me-  
dicinarum ingrediatur, sicut Medici  
aliqui præteriti temporis & hodierni  
quoq; crediderunt, qui nescientes quid  
esset unicornu, destillationibus & quin-  
q; essentijs pretiosis immiscuerunt, nul-  
lam afferentes rationem aut experienci-  
am, quam unquam vidissent. *Franciscus  
Ferdinandus ait*: Unicornis propriè  
dicti



### De Unicornu

dicti cornu haud puto talem inesse potestatem : non enim tot latuisset veritatis & arcanorum naturæ diligentissimos indagatores antiquos &c. *Laurent. Juberius in lib. de peste, & Anton. Ludovicus Med. Vlyssiponensis in lib. de Empiricis & Miscell. negat ab ullis antiquorū banc contra venena vim huic cornu tributā, Mercurialis consult. Medic. tom. 1. Consil. 94. ad Baptistam Palestram Medicum Parmensem : Unde tria colliguntur , primū Monocerotem & Asinos Jndicos diversos esse. Secundū, cornu Asini Jndici & non Monocerotis illud esse, quod venenis adversari creditum est. Tertiū, cornu, quod hodiē apud nonnullos Principes in magnā existimatione contra venena conservatur ; esse non Asini Jndici, sed Monocerotis, quippē cum unicolor sit , & versuris quibusdam delineatum ; non autem tribus illis coloribus insignitum , quos refert Ælianus &c. Quamobrem in hanc sententiam eo ; adhuc & Principes & Medicos quosdam graviter errare , qui forsā eundem esse Asinum Jndicum & Unicorn-*



unicornem opinati, ita utriusq; cornu  
confuderunt, ut cornu quod ab Æliano,  
Plinio, & alijs ullâ virtute donatum esse  
proditum non est: pro illo quod vene-  
nis ac pesti resistere creditum fuit, ineptè  
admodum accipiant, perinde ac pictores  
qui utriusq; corpora confundentes neut-  
rum verè exprimunt.

Neq; experiētijs, quas narrant, mul-  
tam fidem adhibere cogor, quoni-  
am cum rarissima cornua illa, & apud  
primates duntaxat reperiantur, raræ quo-  
q; fiunt experiētiæ, & ob id nullam aut  
exiguam admodum certitudinem ha-  
bent, quāvis etiam si medullitūs rei ve-  
ritas indagaretur, appareret profectò  
pluriēs experiētiās illas frustratas, quā  
finem adeptas esse. Accedit & illud, ve-  
risimile mihi non videri, si hoc cornu  
tali esset virtute donatum; Galenum qui  
& experiētiā, & omnium rerum peritiā  
nulli secundus fuit, eam tacuisse debere,  
cum præsertim de cornu cervini faculta-  
tibus quamplurimis locis mentionem  
fecerit, ubi occasio dabatur, etiam mi-

F

randas



### De Unicornu

randas monocerotis cornu vires recense-  
re, etc. Neq; credibile videtur, si hisce  
temporibus huiusmodi cornua apud  
multos habentur, temporibus Galeni  
haut comparari potuisse; tum quia ut  
ipsemet refert, quotannis ex universo or-  
be pulcherrima & pretiosissima omnia  
Romam portabantur; tum quia M. Anto-  
nius Imperator potētissimus, cui Galenus  
maximā cū laude servivit, omnium The-  
riacæ amātissimus fuit, pro quā cōficiendā  
à cunctis regionibus simplicia advehenda  
curabat, quem sicut cæteros Imperatores,  
& virtutem huiusce cornu potuisse scire,  
si vera essent, quæ dicuntur, & illa facilius  
quā nostrates Principes acquirere nemo  
ignorat. Ita; doctissime Palæstra, addu-  
ci nequeo, ut credam, cornu illud  
Monocerotis quod ostendunt, ullam  
peculiarem venenorum expultri-  
cem facultatem habere, nisi ipsum  
virtute suā exsiccatoriā perinde atq;  
alia multa exsiccantia aliquid efficere  
posse dicamus, pro venenis extinguen-  
dis. Tu meam sententiam hanc exa-  
minabis



minabis , neq; ulla Principum autoritate , quæ veritati semper est posthabenda , neq; cæcis experiētijs te persuaderi permittes.

*Ambrosius Paraus loco supra citato;*

Si experiētiâ & rerum eventis agendum est , sanctè hoc affirmare possum , pluries me tentasse , nunquam tamen quicquam ex cornu isto , quod pro Unicornis iactatur , adversum venena feliciter ægris mihi commissis exhibuisse. Si thesibus & autoritatibus pugnandum ; magna pars melioris notæ medicorum iam pridem hoc cornu valere iussit , & divinas illi admirandasq; vires , propter quas antea tantoperè expetebatur , detraxit. *Et paulo post :* Itaq; Capellanus primarius Caroli IX. Galliarum Regis medicus , crebrò dicere solebat , se perlubenter eum morem sublaturum , de cornu Unicornis , frusto in pateram regiam demergendo , nisi nosset eam opinionem tam altè in hominum animis infixam esse , ut vereretur , ne unquam ratione ullâ



### De Unicornu

expugnari posset. Adde, inquiebat, quod si superstitiosum eiusmodi remedium non prodest: Certè nec admodum obest, nisi fortè eorum fortunis, qui id auro redimunt, vel etiam ex eventu, quod principes, dum decantatis huius cornu viribus plus æquo confidunt, negligūt sibi alijs convenientioribus adversum venena remedijs cavere: Sic sæpè incautos mors inopina rapit. Cum aliquando ex Ludovico Dureto, Regis Medico & professore, propter excellentem, quam iure de eius doctrina docti omnes conceptam animo habent opinionem, quæsissem, quid de eiusmodi cornu sentiret. Respondit ille, nihil se illi virium attribuere. In cuius rei confirmationem, secundam rationem antè multis verbis expositam pluribus ille & disertius enarravit, nec vereri se in auditorio suo doctorum hominum undiq; ad ipsum audiendum concurrentium theatro, id altà voce & explanatâ oratione prædicare,

*Anselmus Boëtius de Bood lib. 2. de lap.  
& gem.*



*Et gem. c. 244. identidem ingeminat, cornu monocerotis viribus istis carere contra venena. Subscribit Andreas Marinus Med. in tract. Italico, Lat. ab Aldrovando verso.*

*Obiicies Gesnerum hist. animal. l. 5. de Monocerote p. 785. experientias recensere, virtutis huius cornu ad venenum, comitialem, lumbricos &c. Resp. 1. loquitur de cornu unicornis, ex novis insulis allato, amphibij videlicet, de quo supra diximus, cuius cornu vim habere alexipharmacam ultrò damus. Verba Gesneri sunt lib. 5. hist. animal. de monocerote p. 785. Cornu unicornis præcipuè ex novis insulis allatum, tritum & in aquâ potum mirè facit contra venena: ut nuper experientia ostendit in homine, qui à sumto veneno, cum iam tumere inciperet, hoc remedio restitutus est. &c. 2. Vfus est Gesnerus aliquando cornu fossili, quod simili virtute pollere concedimus, & infrâ asseremus. 3. Dicit Gesnerus, se alia addere, ut succinum, scrobem eboris, folia auri & corallium crassiusculè contusa; quæ sanè per se sine unicornu multum præstant. 4. Immo addit, se non negligere interim reliquam*

*F3**medendi*



## De Unicornu

medendi rationem 5. Quoad Monocerotis verum cornu, fatetur se conicere saltem, quod easdem vires habeat, cum cornu Rhinocerotis in iconibus quadrupedum pag. 64. Interim, ut supra dictum, exiguum ut alia omnia cornua vim habere posse unicornu alexipharmacam; Unde ex cornu bibere mos est antiquissimus, praesertim apud nostros Boreales, ut supra ex Plinio: quod & Athenaeus de alijs l. II. tradit, antiquos ex cornibus bovillis bibere solitos fuisse, & idcirco Dionysium (hunc apud Indos cultum fuisse, ipse etiam Baccius profitetur in explicatione numismatis Nyseorum) κερατο Φυῖν cornutum fingi, & taurum à pluribus nuncupari & ταυρομορφὸν ἴ. e. taurina facie conspici in Cyzico. Eiusdem moris ex cornibus bibendi id quoque est indicio, quod & vinum aqua miscere κεράσαι dicatur, & vas ipsum in quo mistio huiusmodi fiebat κρατήρ appellatur, ἀπο τῆς κέρας quasi κρατήρ ἀπο τῆς εἰς κέρας εγχέσθαι το πομα, ἴ. e. quod potus in cornu infundatur. Hinc Ambrosius quoque cornu inquit, in medio vini plenum. Addit Athenaeus  
ibidem



ibidem, nostris quoque temporibus cornuum apparatus cernitur, quæ rhyta nonnulli appellant. Profert etiam exempla Centaurorum, Thracum, Paplagonum, Perbaborum, Philippi Regis Macedonum, Regum Poeonia, qui ex cornibus, quorum labra nonnunquam vel auro vel argento operiebant, bibere consueverunt. Athenienses a. argentea cornua facientes ex ijs bibebant. Poëta præterea multos antiquos inducunt ex cornibus bibentes. Ælianus auctor est, Ptolomeo secundo cornu bibulum ex India allatum, quod tres amphoras caperet. Quidam a. autem cornua aurea usurpabant, alij osculum poculi aureum vel argenteum faciebant. Pœonios aiunt boves educare, qui cornua gestent tanta magnitudinis, ut capere possint tres aut quatuor cboas, & idcirco ex ijs facere pocula, quorum labra auro, argento ve circumdabant, Athenæo teste. Samogithas urorum cornibus pro poculis uti, testis est Sigismundus Baro, in commēto rerum Moscovitarum. Hieronymus Mercurialis libri primi de gymnasticis cap. 11. antiquissimum triclinium marmoreum depingit, in quo accumbentiū unus ex istiusmodi corneo poculo bibit,




## De Unicornu

indeq; vetustissimum illum lapidem esse arguit : vidit eum Patavij in edibus Rhamnusianis post curiam urbis præfecti, in vico Patriarchæ ad Div. Petri.

## C A P. VII.

Quid potissimum pro Unicornu vendant circumforanei.

 Os pro vero unicornu venalia obtrudere, iam fragmenta eboris, iam communium cornuum adustorum particulas, iam fragmenta ossium balene, iam marga varia genera, imprimis cornu fossile, quod alijs lapidis Ceratites, de quo infra; ipse ego testis sæpius fui oculatus, idemq; mecum fatentur peritissimi viri. Crato ad Thomam Jordanum Consil. & epist. lib. 4. pag. 426. inquit : Vulgarè unicornu nihil aliud est, quam dens Elephantis seu ebur.

Thevetus ait : Eiusmodi cornua unicornium nihil sunt aliud, quam Elephantum ossa, eò quod cernimus artificio

circinata



circinata & ornata; Sic enim in Orientalibus regionibus ardeliones isti & circumforanei homines Rohardi piscis ( mari rubro & Æthiopico noti ) dentes circunagunt, excavant, sequacesq; arte redditas, arbitrariâ voluntate producant, & pro unicornis cornu exponunt, venduntq;. Certè id quod dicitur cornu unicornis, ustum similem ebori odorem spirat. Afferit v. Cardanus, Elephantis dentes seu ossa, arte mollia reddita, quo & quantum voluerimus sequi & extendi bubulorum cornuum instar. Quid enim est in omni rerum natura, quod auri sacra fames in huius aut illius effigiem simulata expressaq; imagine, non adulteret.

*Baccius l. d. pag. 97.* Deceptio quorundam manifestanda est, qui unicornu plerisq; admirationi esse intelligentes avaritiâ ducti pro vero unicornu fragmenta quædam ex communibus cornibus adustis substituunt, & pro medicina mirabili venditant. Et vehementer miror eos, qui unicornu in Medicinis præscri-

F 5

bunt,



### De Unicornu

bunt, hanc fraudem malè feriatorum hominum non severius detexisse. Cum n. unicornu rarissimè, nec nisi in principum Gazophilacijs ob pretium eius & raritatem inveniatur, idcirco qui benè fragmenta illa consideraverit, nihil aliud esse, quam fragmenta eboris, aut aliorum ossium combustorum, fortè alicuius magnæ balenæ, aut genus aliquod lapidis eo modo præparati manifestè cognoscet. Vidi quodam tempore ingentis animalis maxillam in imis terræ visceribus conditam exhumari, quæ cum per multa secula delituerit ibi, ut credibile est, universa calcinata erat, dentibus exceptis: &, quia sapore arido & constringente erat, & aqua iniecta per longum tempus ebulliebat, idcirco pro unicornu substituebatur; Sunt qui scribant, circulatores petrae aliquod genus & omnes pharmacopolas lapidē pro unicornu vendere. Cui rei ego quoq; ex relatione Romanorum fide dignorum testimonium perhibere possum,

qui



qui in multis Calabriae locis, eiusmodi lapides effodi affirmant, quos circulatores quærunt, & credulo vulgo pro unicornu obtrudunt, emptores a. facillè decipiuntur, quoniam lapis ipse ossibus uſtis undiquaque est similimus, squammatim compactus, siccus, aquæ immiſſus bullas excitans, quod evidentissimum & infallibile sinceritatis unicornu signum esse vulgus ubiq; credit. *Hæc ille.*

*At substantia & color veri cornu interiorius est eboris instar, solida, densa, ponderosa, odoris et saporis expers, cum vi siccante & astringente, ideo radi & limari potest.*

*Jo. Guilielm. Reiffesteinius ad Gesnerum scribit, cuius verba reperiuntur in Gesneri libello de figuris lapidum &c. fol. 155. b. mihi. Ossa quæ illic ( apud Cheruscos ) insolitæ magnitudinis effodiuntur, multi impostores pro monocerotis fragmentis simplicioribus vendunt;*

Sed



### De Unicornu


sed quia vicinis hæc fraus nota est, ad remotiora loca se conferunt nebulones. Gesnerus l. d. pag. 157. Ego in volumine de aquatilibus, corollario de Hippopotamo, dentis maximi apud nos inventi iconem posui: Sed postea alium quadruplo ferè maiorem ex Poloniâ accepi à viro nobili quodam ædificij futuri fundamenta iacente inventum, unà cum cornu maximo, quod pleriq; Monocerotis esse putarunt: sed crassities & figura eius curva obstant. *Boëtius de Bood. l. d. cap. 242.* Habeo ego domi plures quàm viginti differentias (cornu fossilis,) cum tamen omnes mihi pro cornu Monocerotis datæ fuerint. *Fallopian tract. de Metallis circa finem:* Hic locus esset loqui de ijs quæ à tota substantiâ faciunt contra venenum, & inter reliqua cornu illo Alicornij quod circumfertur & venditur pro cornu illius animalis, sed falsò, quoniam non est cornu, sed species quædam terræ ex Apulia delatæ, quæ tamen est bona contra venenum. *Sennertus in Institutionibus Physicis lib. 5, c. 4. p. 384.* Inter lapides illos



illos primo loco meritò explicandus ille, qui vulgò pro Monocerotis cornu habetur. *Et Paulopost*: Verum à genuino Monocerotis cornu facile discerni potest. Nam verum unicornu durum & solidum est, ut vix radi, multò minus teri possit, nec linguæ admodū adhærescit. Hic vero lapis durus non est, & quasi calcinatus facile frangitur teriturq; & linguæ admotus adhærescit instar terræ sigillatæ aut margæ alicuius.

## C A P. VIII.

*De melioribus succedaneis inter cornua & Ossa alexipharmacis.*

 *I* quis ex hac rerum naturalium classe, alexipharmaca desiderat, non desunt quæ longè & certiora sunt, & experimentis comprobatoria, ut sunt;

1. Ebur aut eius rasura. *Consentit Rondeletius lib. de pond. cap. 19.* Nec me latet, inquit, plures facultates illorum (cornuum) prædicari ab ijs, qui lucrum questumq;



### De Uuicornu

stumq; de illis faciunt , ut et rasuræ unicornis , quam auro pendunt , propterea quod venenis & vermibus ut plurimum aduersetur. Quod non minus præstare cornu cervi , rasuramq; eboris existimo : quod causæ est , cur ad eundem morbum pauperibus Elephantanti dentem : divitibus autem cornu unicornis ( quod unum præ ceteris expetunt ) pari successu præscribam. *Hæc Rondeletij sententia est , qui sine discrimine pro unicornis cornu solebat substituere non modo cornu cervi , aut dentem elephantis , sed etiam ossa equina , canina , & myrobalanorum.*

2. Cornu asini indici : *vide supra*
3. Cornu Rhinocerotis ; *ut supra.*
4. Cornu Amphibij Africani vel etiam Molluccani , *ut supra audivimus.*
5. Cornu pyraßouppi , de quo ita Thevetus in *Cosmograph. t. 1. l. c. 5.* In mari rubro secundum Arabiam navigantibus , apparet insula Arabibus *cademotha dicta* , in cuius regione , quam Plata flumen alluit , visitur fera barbaris incolis *Pyraßouppi dicta* , multò magnitudine par , capite haud absimili , hirta  
tamen



tamen, ursinis velut pilis vestita, sed baud adeo obscuris, verum ad flavum inclinantibus, bisulis ut cervus pedibus, duo procera capite, sed minime arborea gestat cornua unicornium cornibus illis famatissimis affinia. Indigina enim, bestia aut piscis venenati dente demorfi, aqua epota, in qua sex vel septem dies eiusmodi cornua demersa & infusa fuerint, statim levantur & convalescunt.

6. Cornu cervi quod omnium certissimum & probatissimum, crudum, præparatum,ustum &c. in primis maximopere commendatum volo, quod in nostris officinis venale est, Chymicè sine igni, ut vocant, præparatum: quâ elaboratione omnia retinentur eius principia, ut nihil exspiret aut evanescat. Rectè Crato ad Thomam Jordanum Consil. & Epist. lib 4. pag. 426. Credas mihi primas istas cuspides in cornibus cervinis contra venena plus prodesse, quam vulgare unicornu, quod nihil aliud est, quàm dens Elephantis seu ebur. Sic & Baccius lib. de prolegomenis venenorum & antid. pag. 61. Unicornis supplet vices cornu cervi optimè præparatum, albissimum. &c.

7. Tandem cornu cervino non multò inferius est



### De Unicornu

est Cornu fossile dictum quod non vulgò tantum, sed sepè etiam apud multos principes pro vero Monocerotis cornu emitur: Rectè equidem ratione virium, quibus longissimè superat unicornis cornu, at subdolè ratione pretij, quod nimium postulant: de quo cornu fossili, quia paucissimi egerunt, & nos sapissimè cum successu in praxi medicâ eo ad morbos gravissimos usi sumus, in gratiam naturæ consultorum paucula in medium adferemus.

### C A P. IX.

#### De Cornu fossili vulgò pro Monocerotis habito.

**D**icitur ita Gesnero & eidem lapis Ceratites, eò quod cornu referat, & Gesnerum sequitur Boëtius de Bood, Clusio ebur fossile, Annot. ad lib. 1. Garzia c. 14. lit. Ee. alijs dens elephanti petrificatus; Cæsalpino lib. 2. de metall. c. 48. lapis Arabicus, alijs Lithomarga alba. Reperiuntur passim in Germania & Italia ex terris effossa integra animalia petrificata, & animalium partes, dentes, ossa, cornua



cornua, tibia, maxilla, aliæq; corporis partes; aliquando ligna fraxini, iuglandis, & alia similiter in lapidē versa, ita ut aliquandò species ligni nosci, imò interdum odor deprehendi possit. Nonnunquam materia mineralis magis vel minus petrosa, sub forma cornu alicuius, dentis &c. licet tale nihil antea esse potuerit. Singula exemplis & experiētijs comprobabimus.

Integra animalia : *Albertus Magnus. de rebus metallicis lib. 1. tract. 2. c. 9.* Admirabile, inquit, omnibus videtur, quod aliquando lapides inveniuntur, qui intus & foris habent effigies animalium. Foris enim habent lineamenta, & quando franguntur, inveniuntur in eis figuræ intestinorum. Cuius rei causam dicit *Avicenna* esse, quod animalia secundum se tota aliquando mutantur in lapides, et præcipuè in lapides salsos non duros ut plurimum.

Dentes & ossa : *Theophrastus* autor est, ossa è terra nasci inveniriq; lapides osseos ait *Plinius*, addens : Et in lapidem concre-scere manifestò apparet: quod cum feræ decidere in puteos tales (ubi humor terra

G

petri-



### De Unicornu

*petrificans*) & medullæ ex ossibus earum in eandem lapidis naturam post unam hyemem figurantur. Sic Gesnerus lib. de figuris lapidum fol. 156. Dentes quoq; fossiles inveniuntur alicubi, sive ex cadaveribus animalium quorundam, sive sponte naturæ orti. Dentem in lapidem versum Aldrovandus Bononiæ servat. Ossa lapidea fossilia veniunt quibusdam nomine lapidis Arabici.

Cornua, ligna &c. in qua si humor mineralis talis petrificus incidat, transmutantur. Placet hic verba Boëtij adscribere l. d. Quod ligno contingit, id etiam cornubus cervinis, denti; Elephantis, alijsq; quadrupedum partibus, si in huiusmodi loca decidant, contingere potest. Hinc fit cornua ista fossilia inter se multum interdum differre, & pauca eandem faciem ostendere, imò aliqua dentes, tibias, maxillas, aliasvè corporis partes referre. Habeo ego domi plures quam viginti differentias, cum tamen omnes mihi pro cornu Monocerotis datæ fuerint: una manifestè exteriori cortice fraxini lignum



lignum ostendit. Alia differentia propè Brinam Moraviæ urbem inventa ita exactè figuram trunci iuglandis intrinsecus & extrinsecus refert, ut nemo nisi cæcus animadvertere non possit, truncum illius arboris fuisse, ac in terra transmutationem accepisse. Odoreti- am exactè nucis arboris odorem red- dit. Donatum mihi fuit etiam frustum illius trunci Monocerotis titulo. Eo- dem in loco trunci & caudicis maioris portio pro capite animalis distracta fuit. Silices adiacentes truncis suis cavitatibus eandem materiam, sed longe molliorem, magisq; friabilem, neq; nucis odore præditam continebant, ita ut ne- mo de generatione horum cornuum dubitare debeat.

*Nonnunquam materia mineralis sub forma cornu, dentis &c. exinde liquet, quod aliquando tantâ quanti- tate reperiantur, ut tale animal fuisse sit incredibile. Hinc Gesnerus l. d. pag. 157. In specu subterraneo propè El- bingerodam, (de quo paulò ante scripsimus)*

G 2

reperi-



### De Unicornu

reperiuntur ossa & dentes tam hominum quam animalium aliorum, maximæ ac tantæ magnitudinis, ut vix credi possit, vixisse unquam tantæ magnitudinis homines aut animalia ulla. Ego in volumine de aquatilibus, corollario de Hippopotamo dentis maximi apud nos inventi iconem posui: Sed postea alium quadruplo ferè maiorem ex Poloniâ accepi à viro nobili quodam ædificij futuri fundamenta iacente inventum, unà cum cornu maximo, quod pleriq; Monocerotis esse putarunt: sed crassities & figura eius curva obstant.

*Scribit Albertus Mag. se vidisse & suis manibus mensum esse unicornu (ita nominat cornu fossile cum vulgo) cuius basis in diametro sesquipalmm habuerit, longitudo fuerit decem pedum. Quod si ex proportionem Geometricâ consideremus magnitudinem capitis tam vastum cornu gestantis, atq; inde de toto corpore coniecturam faciamus, fuerit animal necesse est tantæ magnitudinis, quanta est magna quadam navis oneraria. Sic autor est Casalpinus lib. 2. de metal. c. 48. effodi*



effodi propè oppidum S. Joannis in valle Arni  
ossa lapidea ingentis statura, ut putent fuisse  
ex Elephantibus ab Annibale ductis in Italiã;  
atq; exstare humeri caput aut coxendicis,  
magnitudine quam utraq; ulnâ amplecti  
vix possit. Neq; est quod quenquam moveat  
forma illa externa. Plurima n. mira in ter-  
ra efformantur, cuius conformationis causa  
ignoratur. De ollis subterraneis nonnihil  
dictum est à nobis in Tract. de Pygmæis, quas  
iurares arte factas. Pyrrhus qui adversus  
Romanos bellum gessit, habuisse traditur  
Achatem, in qua ix. Musæ et Apollo citharam  
tenens spectarentur, non arte, sed sponte natu-  
ra ita discurrentibus maculis, ut Musis quo-  
q; singulis sua redderentur insignia, Plinius.  
Scaliger exerc. 117. contra Cardanum negan-  
tem hac ita casu contigisse: Cur inquit, aut  
Apollinem aut Musas in Achate pictas  
credere voluisti? Maculas in lapidibus  
multis conspeximus: quibus vidi poten-  
tiores pro suo quenquè supercilio varia  
imponere nomina. Marmoris frustum  
sectum ad lateritium parietem incrustan-  
dum edidit effigiem barbati senis: quam

G 3

ad



### De Unicornu

ad Paulum primum Eremitam uno consensu omnes referebant. Sanè pingunt eiusmodi stantem, palmaceâ amictum storea. Eum lapidem Leonhardus Crassus civis noster afferendum curavit ad Maximilianum, cum essemus Ratisbonæ. *Hæc ille.*

In Pario marmore mirabile proditur, gleba lapidis unius cuneis dividendum soluta, imaginem Sileni intus extitisse, *Plinius. In Sagari fluvio Phrygiæ gignitur lapis Autoglyphus dictus, ab eo quod nativæ ei Matris Deum imago insit: Plutarchus de fluvij. Et rursus; In Tanai fluvio Scythiæ nascitur lapis Crystallo similis, humanâ effigie, coronatus &c. Constantinopoli in Sapientiæ templo sunt duæ candidi marmoris dissecti crustæ: quarum utriusq; maculæ nonnihil cinerei coloris, ita sponte naturæ discurrunt, ut totam divi Johannis Baptistæ, vestiti tergore cameli imaginem repræsentent, præter alterum pedem, quem non satis exprimunt. Agricola.*

*Auriculæ similitudinem exprimunt interdum lapides gemmis similes, Conchas marinas*



nas auris humana faciem representantes, in ambitu perforatas non paucas collegi in oris maritimis Sicilia, Apulia & Thuscia. In lapide fossili Slesbiano, è quo as conflatur, nigro, duro, lamina instar, figura varia apparent, plantarum, animalium, ut rana, salamandra, serpentum, viperarum, anguillarum, cyprini, aurata, gobij, lucij, perca &c. imò principum virorumq; illustrium imagines. Vide Agricola m. l. 1. de nat. fossi. & lib. 10. Gesner. lib. de figuris lapidum c. 14. p. 162. Angulosi nonnulli lapides, ut Crystallus, basaltes, &c. reperiuntur, ac si ab artifice elaborati. Nam basaltes habet figuram polygonam, cristalli plurimi & adamantes Ungarici hexagonam, in pyramidem hexagonam desinentem, smaragdi occidentales & granati spurij quadrangulam; granatus bohemicus, geodes & margarita globosam, crapaudina concavam.

Argentum nascitur modo arbusculæ specie, modo pilorum &c: ut videre licet in libris nostris metallicis. Stalagmites ( quibusdam Osteocolle species) nascitur instar pilorum plurimorum in una massa, quasi favis inclusorum; uti copiosè in thermis Carolinis; ubi & nos invenimus. Astroites stellarum plurima-



### De Unicornu

plurimarum exhibet figuras, Umbilicus marinus humanum umbilicum refert. Ceraunias foramen habet à natura circa medium.

De Materia cornuum fossilium, eorumq; generatione autores non conveniunt. Quidam, ut annotavit Gesnerus de figuris lapidum p. 153. putarunt esse Monocerotum in diluvio per orbem terrarum dispersorum cornua diu terrâ oblecta, carnibus & mollioribus partibus vetustate consumptis. Ceterû falsitas huius opinionis manifesta est. 1. Figura non respondet 2. & rarò magnitudo. 3. lapides hi reperiuntur non tantum figurâ cornu, sed & aliarum partium, immò aliorum animalium, ut supra ostensum. 4. Vnde tanta Monocerotum copia in Germania & Italia quam alibi ubi non reperiuntur? Quidam attestante Casalpino l. d. putant, ossa illa lapidea esse ex Elephantibus ab Annibale ductis in Italiam. Vndè dentes elephantis petrificati quibusdam dicuntur. At unde ille Elephantorum numerus in Thuringia, & silva Hercinia, Misnia, Silesia, Moravia, Helvetia, ubi copiosè eruitur cornu fossile?

Alij materiam statuunt bitumen aut succinum corruptum, alij lapidem aliquem putre-



putre factum corruptum; alij ut Gesnerus  
& Boëtius, margam vel marga speciem; Agri-  
cola margam liquidam candidi coloris. Et  
certè non potest non esse eius materia mine-  
ralis terra sigillata alicui vel marga similis,  
vel succus mineralis cum terrâ tali mistus:  
qua materia dum lapidescente & subterranea  
aquâ fluente irrigatur vel solvitur, lactis  
instar fluit per terra cavitates: in quibus si à  
terra vicina aqua serosior pars absorbetur aut  
præterfluit; crassior pars cavitates implendo  
sistitur & lapidescens coalescit vel in cornuum  
formam, vel aliam; vel informem, ut mar-  
ga tantum, si aqua exiguum vim habuerit  
petrificandi. Quod si hic humor non in cavi-  
tatem aliquam, sed lignum aliquod, cornu  
alicuius animalis, dentes, ossa, tibiae, maxil-  
las &c. fortè incidat, & corpus porosum  
subeat, atq; exhalante aqua tenuioris portio-  
ne, crassior remaneat; tandem coagulata, li-  
gnū vel partē animalis transmutat sibiq; assi-  
milat. Varias eiusmodi alterationes & mutatio-  
nes in rebus eiusmodi durissimis fieri posse patet  
ex vulgaribus modis, quibus cornua, ossa &  
dentes mollescere posse, atq; duritiē deponere do-



## De Unicornu

cetur, ut 1. Si Ebur in aqua ex sulphure & cineribus cochlearum parata coquatur. 2. in cerevisia, teste Sylvio. 3. in aqua fervida. 4. in aqua mandragoræ coctâ. Diosc. 5. Si cornua in pane calido recens ex clibano extracta & per medium fisso foveantur: Quâ ratione fures sæpè boum se furto raptorum cornua emollita in diversas partes torquent flectuntque; ne ab hero agnoscantur.

## CAP. X.

### De proprietatibus & viribus cornu fossilis.



**A**ffectioes. 1. Locus generationis non tantum est Apulia, ut putavit Fallopius, sed complures tractus Italiae & Germaniae. Circa Romam inventi talis cornu portionem Romæ mibi donavit quidam ex Pontificis ambactis. Clusius l. d. inquit: Laminulis quibusdam eboris fossilis quæ nativum æmulantur, sed crustâ quadam candidissima inductæ sunt, ante biennium à Rasio nostro omnium naturæ



ra miraculorum diligentissimo observatore, donatus sum. In Italia erui hoc ebur intelligo, & magno in usu isthic esse adversus virulentorum animalium morsus.

In Germania partibus multis reperitur; in Helvetia, ubi frustum reperti ab amico quodam sed illiterato accepi, qui eius usum ignorabat. Item in Thuringia & silva Hercinia, Palatinatu, Saxonia, Misnia, Silesia, Moravia.

2. Magnitudo variat. Aliqua maxima effodiuntur, ut supra dictum, ut à nullo quantumvis magno animali produci potuerint.

3. Forma. colore & levore cornua referunt, at non directa, ut sunt unicornis, sed curva.

4. Substantia lapidea est, sed vel dura vel mollior. Plerumq; exterius dura, intrinsecus mollis, levis, friabilis, ut facile frangatur & teratur, compacta, adstringens, exsiccans, lingua firmiter adhaerens instar boli, marga vel terra sigillata; odore gratissimo, ac si quis lac cum amigdalidis miscuisset. Est autē bonitatis indicium. Vis adstrictoria atq; odor gratus, praesertim si cydonij mali & lactis saccarig, balitum praesferat.

5. Color, intrinsecus est albus; Caterum exterior



## De Unicornu

exterior interdum flavescit, cinereus, albus, subniger &c.

6. Affinitas magna cum lapide ossifrago, (eiusq. speciebus) qui alias dicitur osteites, Ammosteus, osteocolla, osteolitus, holosteus ac stelethites, Germanis Beinbruch / Walsstein / Sandstein etc. Chirurgis notissimo, ad ossa fracta consolidanda. Differunt autem 1. odore, qui non nisi raro in osteocolla. Quando a. odoratus est ossifragus & margam in se continet, facile ad eadem usurpari potest, ad quæ cornu fossile; videtur enim tum materia esse eadem. 2. Substantiâ, quæ osteocolla est arenosa vel terrea & friabilis; cornu fossili tenacior & ossi similior: nisi osteocolla sit odorata & margosa, uti dictum.

7. Vires medicinales. Vis alexipharmaca. Quamobrem commendatur à Gesnero, Casalpino, Boëtio atq. alijs ad venena cuiuscunq. generis, ad morsus animalium venenosorum, ad febres quascunq., inprimis malignas ac pestilentes, idq. tum quia cor roborat ac firmat, boli armeni vel terre lemnia instar, atq. ne veneni noxam suscipiat, munit, tum ratione sudorum, quos potenter movet



movet, si ager se ad sudandum componat, quibus venenum omne facile foras ad cutim expellitur. Dosis tum est ℥j aut -) iij in aq. appropriata, aut absente vehementiori febris, in vino oligophoro.

Experientiâ multiplici didici usum eius insignem in corde roborando, ut stolidè unicornu verum postuletur, quod tamen vi alexipharmacâ destituitur, uti superius liquidum fecimus, quando hoc fossile haberi potest.

Boëtij duas subiungam, quas scripto reliquit l. d. puer quidam deglutitâ plumbeâ pilâ, quæ multos ante annos, sub aranearum telis latuerat, extemplò ventre ita intumuerat, ut crepaturæ periculum adstantibus videretur adesse. Hic ebibito scrupulo medullæ, omnibus admirantibus statim convaluit. Alia mulier intoxicata, ventreq; utri modo inflato, ut morti proxima videretur, subito hausto pulvere, præter omnium expectationem convaluit.

Caterum probè animadvertendum, non omnia ista fossilia cornua, eiusdem aut parvis esse facultatis, ob diversitatem formæ, originis



## De Unicornu

ginis & substantie. Nam quæ lapidum instar dura sunt, sine medulla, inodora &c. vix nisi exsiccante vi pollent. Præstantiora sunt, quæ faciliè in pulverem rediguntur, mollia, lingua adherentia; inprimis si odor gratus medullis accedat, tum enim spiritibus nostris amicus est, & cum illis & quædam conspirans, illos roborat, firmat, à contagio tuetur &c. Præstantissima, si substantia medulla ante transmutationem fuit à cervo, elephante, ligno fraxini, nucis &c. aut re quacumq; venenis adversante; præcipuè si odor prioris substantia adhuc supersit; indicio qualitatis intransmutato corpore, non tantum remansisse, sed etiam novâ & subterraneâ materia exauctas.

2. Ad syncopen, cardiacam passionem, cordis tremorem aliosq; cordis affectus prodest, si cum aq. appropriata scrupuli pondere agro offeratur.

3. Ad Epilepsiam, inprimis puerorum, pari pondere in aqua convenienti.

4. Ad vermes necandos.

5. Ad fluxus varios sistendos, ut alvi profluvia, gonorrhæas, alba menstrua, sangui-

nem



*nem è naribus, thorace, hæmorrhoidibus, vulneribus manantem.*


6. *Ad oculorum lacrimas cohibendas, sc̃ cum lacte in pollinem tenuissimum redactum oculis instilletur.*

7. *Ulcera ad cicatrices sine morſu perducit, ob vim exſiccantem & adstringentem, intertriginem & ambuſta sanat.*

*Intro exhibetur vel in forma pulveris, vel paſtillorum, terræ Lemniæ inſtar.*









CASP. BARTHOLINI

De

LAPIDE NE-  
PHRITICO  
OPUSCULUM,



*Cum præcipuis ad plerosq; morbos*  
*AMULETIS,*







Reverendo & Clarissimo Viro,  
Dn. M. THOMÆ CUN-  
RADO WAGNERO, Ecclesiarum in  
Dioecesi Stavangriensi Episcopo, Domino ami-  
co & Fratri in Christo J H S U Con-  
iunctissimo

D. D. D.

BARTHOLINUS.



CASP.



CASP. BARTHOLINI  
De  
LAPIDE NEPHRITICO,  
OPUSCULUM;

Quo  
Præcipua insuper ad plerosq; morbos  
amuleta recensentur.

CAP. I.

De nominibus & præstantia huius  
lapidis.

**I**APIS NEPHRITI-  
CU Sita à præcipuo eius usu di-  
ctus, Galeno, lib. 9. Simpl. c. 11.  
Jaspis viridis est, licet ad Jaspi-  
dem referri rectius dicatur, quàm ipse jaspis  
esse. Italis vocatur del fiancho, item  
Ofiada à Sciaticâ, quam gestatus curare  
creditur. Gallis corrupto vocaculo Italice,  
Vne Siadre, Hispanis Jgiada, Belgis  
Calsvee, à gemma affini, ut coniectatur Clu-  
tius, quæ callais dicitur, de quâ Plinius



### De Lapide Nephritico

lib. 37. c. 8. Casalpinus lib. 2. de Metall. c. 27. Encelius lib. 3. de lapid. & gem. c. 48. Solent Germani hunc lapidem Lendenhelsser a potissimo effectu appellare: Dani vocare possent Lendsteen. Ad jaspidis species refertur, sicut & Heliotropius, & alij confines: quomodo a. à Jaspide differat, & quibus notis dignoscatur, infra ex eius qualitatibus & affinitatibus docebitur.

Præstantia eius, pretium & valor admodum paulatim excrevit, ob virtutes quibus pollet præ aliis præstantissimis gemmis. Unde etiam India non in ea copiâ ad nos mittit, quâ ante; eò quod Reges & Magnates Indorum sint lapidis huius avidissimi & tenacissimi possessores, teste Monarde. Et scribit Plinius lib. 37. c. 9. Genus Jaspidium, quod Smaragdo simile est, toto oriente pro amuletis passim gestari. Unde non mirum pauciores ad nos transferri. In summo etiam ob admirandas virtutes est pretio, apud Chineses, Persas, Cyprios, Alexandrinos, Constantinopolitanos, ac præterea precipuis Christianitatis regnis & provincijs.


Boëtius ait c. 110, Lapid. Nephritici in  
magno



*magno pretio sunt, quia non facile haberi possunt. Vidi non maiores semithalero, qui 100 coronatis aestimati fuere. Pro illorum viribus augetur pretium. Habemus passim in Selandia hac Dania nostra complures, quos Doct. Clutius Medicus Amsterodamensis rogantibus vendidit, at non tanto, ut Boëtius scribit, pretio. Interim tantâ aliquando invenitur mole, ut pocula inde conficiantur. Vidit frustum Boëtius, ut testatur cap. 110. apud Gemmarium Imperatoris Rudolphi 1600 thaleris coemptum, ex quo potulum satis amplum fuerat formatum. Dicitur & Albertus Dux Austriae vasa & pocula habuisse ex hoc lapide confecta, à fratre Rudolpho Imperatore donata, referente Clutio p. 7.*

## CAP. II.

## De Forma externa.



*N*dieos gestant formis varijs effigiatos, alios piscium formâ, alios avium capitibus, alios psittacorum rostris similes, nonnullos rotundos, sphaularum



### De Lapide Nephritico


corallorum modo, atq; omnes perforatos, quia appensos eos gestare solent Indii. Advehuntur etiam ex Indijs figura rotunda, ovalis, quadrata, & aliarum figurarum, modo auro, modo argento incluse ac decorata: Aliquando figura cordiali, ad magnitudinem thaleri, modo plani ac politi, modo signaturis Arabicis incisi, nomen & virtutes lapidis designantibus; nonnunquam figurâ renis, ventriculi, nudi infantis &c. Aliquando brachialia inde conficiuntur, monilia, spherulata, &c. Sæpius incertâ figurâ, pro ut magnitudinis commoditas suaserit, lapides bosce efformant. Nonnunquam columnula est figurâ, ad longitudinē digiti hic lapis teres, in altera extremitate duabus ansulis munitus, ut adherere facilius possit, qualem mutuo habui ab affine meo, consultissimo Viro, Dn. Nicolao Eggebrecht, Secretario Regio, vitrioli colore, & transparentia, ut videatur potius & fortè sit Pseudosmaragdi vel Prasij genus, quod indicavit Boëtius de planè simili à Legato Hispanico, Praga aliquando coempto, quamvis contra statuat c. 60. Non esse a. verum Nephriticum, inde mihi persuadeo, quod civis quidam



### De Lapide Nephritico.

3

*dam Hassniensis, à multis annis calculosus, talem omnino gestet cottidiè, sine ullo levamine aut successu. Estq; illa quam nobiliores Brasilienses, cum in publicum prodeunt, labijs ab adolescentia perforatis inserunt. De hoc ipso ita Gesnerus de figuris lapid. mihi fol. 107. b. Lapis seu Gemma viridis, quâ India occidentalis incolæ utuntur. Inserunt a. pertusis labijs, ita ut pars crassior in ore hæreat, reliqua prominens dependeat. Oripenduli nomen ei fingi potest, ut filipendulam herbam dicimus. Hoc lapide me donavit vir summe doctrine Io. Ferrerius Pademontanus, cuius in Epistolâ hac ad me verba sunt: Mitto viridis coloris lapillû teretem, ad longitudinem digiti in manu hominis medij, & in alterâ extremitate duabus ansulis munitum, quem nobiliores Brasilienses, cum in publicum prodeunt, ad labia eorum ab adolescentia perforata applicant, unum vel plures pro singulorum dignitate, & comedentes, aut quoties volunt de loco ubi hærent, vicissim detrahunt,*



44

CAP.



De Lapide Nephritico

CAPUT III.

DE LOCO NATALI.

**S**Olet Jaspidi aut Prasii  
interdum adnasci, sapius tamen  
solitarius, ut cotes in agris, co-  
alescit. In India utraq; reperi-  
tur. Nam & ex nova Hispania adfertur  
teste Boëtio, & in Cambaja, teste Linscotte  
itinerar. c. 86. ubi patellas & pocula ex eo  
conficiunt, qui instar Smaragdi viridis. Cal-  
laitidem, quem pleriq; eundem faciunt cum  
nephritico, quia è viridi pallet Plin. l. 37. c.  
8. nasci scribit post averfa Indiae, apud in-  
colas Caucafi montis, sed præstantiorem  
in Carmannia. addit: Vtrobq; a. in rupi-  
bus inuijs & gelidis, oculi figura extuberans,  
leviterq; adhaerens, nec ut agnata petris, sed  
ut apposita. Quapropter scandere ad eam pi-  
gritiâ pedum equestres populos tadet, simul &  
periculum terret. Ergo fundis è longinquo  
incessunt, & cum toto musco excutiunt. Hoc  
vect' gal hocq; gestamen divites in cervice gra-  
tissimū norūt. Hic census, hac gloria à pueritiâ  
deiectorū nummorū predicantiū in quo varia  
fortuna.



De Lapide Nephritico

4

fortuna. Quidam ictu primo capere praclaras, multi insectando nullas. Et venatus quidem callaidis talis. secturâ formantur, alias fragiles. Optimus color Smaragdi: Ut tamen apparet, ex alieno est, quod placeant. Junctura decorantur auro, aurumque nulla magis decent: quae sunt earum pulchriores, oleo, unguento & mero colorem deperdunt. Viliores constantius representant, neque est imitabilior, alia mendacio vitri, sunt qui in Arabia eas inveniri dicant in nidis avium, quas melanchoryphos vocant.

Idem ex Plinio scribunt Casalpinus atque Encelius l. dd. Caterum nephriticum in nonnullis etiam Hispaniae locis, atque Bohemiâ reperiri auctor est Boëtius, licet paucis adhuc notum; eo quod à lapidarijs imperitis, vel pro Smaragdopraessio, vel pro Jaspide habeatur.





De Lapide Nephritico

C A P. IV.

De Colore , Transparentia &  
duritie.



Olor est Transparentia. *Ve*  
*varijs coloribus est Jaspis, ita &*  
*Nephriticus, qui tamen rubedi-*  
*nem non agnoscit ullam, veluti*  
*Jaspis, Deinde neqz, ut jaspis, du-*  
*plici colore facile reperitur, sed plerūqz uno, ra-*  
*rius cū punctulis interspersis, eoqz viridi sed*  
*diversimodē. 1. Plerumqz, qui ex albo seu lacteo*  
*& viridi coaluit. 2. Ex flavo viridis. 3. Ex*  
*caruleo vel nigro viridis, qui color reliquis*  
*præfertur à Monarde, Clusio & Clutio, dum-*  
*modo cum perspicuitate aliqua sit coniunctus.*  
*Verus n. nephriticus, quando in planitiem non*  
*crassiorem minimo digito redigitur, obscure*  
*transparere debet. Est n. ut in colore huius*  
*lapidis, ita & in pelluciditate diversitas. In-*  
*terim non est nisi semiperspicuus hic lapis,*  
*Marbodeus Poëta ait:*

Optimus in viridi translucentiq; colore,  
Et qui plus soleat virtutis habere, pro-  
batur.

Boëtius



## De Lapide Nephritico.

5

*Boëtius ait lib. 2. de lap. & gem. c. 109.*

Habeo apud me multa genera, inter cæteros unum cristalli instar, sed albâ nubecula perspicuum, quem à viridiori, cui admotus erat, separari iussi. *Hac ille. Quamobrem si qui albi reperiantur adnati, crudiores adhuc esse putandum est, atq; in incunabulis quasi, nec ad perfectionem proVectos. Puto etenim de albo usq; ad viriditatem ex caruleo & nigro, paulatim hos lapides ad perfectionem, tum in generatione, tum in usu ascendere. Habeo n. permagnum viridem, apud indos diu usurpatū, cui inserta est particula alba & cruda, quæ indubiè aliquando ad maturitatem pervenisset, si diutius lapis in matrice requievisset. Qui v. ex subnigro virescunt, vel subcaruleo, diffiteri non possum, experientias aliquas in nostrâ hac Damia mihi notas esse, illos esse probatissimi usus. Atq; ille de quo mira prædicat Boëtius, quo nobilis Dammannus utebatur, scribitur fuisse obscure viridis, opacus, ac si quis viridi colori nigrum immiscuisset cum punctulis nigris, ut in Opbite.*

Duricies




## De Lapide Nephritico

Durities, est insignis suprâ Jaspidem,  
ut chalybeorum instrumentorum vim eludat  
& validè infringat, et saphyrum amuletur  
duritiæ. Vnde fortè Saphyri imitatore  
vocavit Plin. quanquam de gemma ei maxi-  
mè simili locutus, videlicet Callaitide.

Superficies eius semper pinguis, quasi oleo  
iuncta esset, videtur.

## C A P. V.

### De Affinitate cum alijs la- pidibus.

 Uanquam ex ijs quæ ha-  
ctenus dicta sunt, non difficile  
fuerit, lapides nephriticos ab  
alijs discernere atq; dignoscere;  
ut tamen facilioris dignotionis sit; similes  
gemme quæ sint, vicina & affines, monen-  
dum; ne decipiatur quis gemmariorum impo-  
sturis. Solent n. passim illi atq; mercatores  
alijs pro nephritico alios adulterinos ven-  
dere. Cuius rei exemplum in quodam  
mercatore Francofurtense, qui Magna-  
tibus falsos vendiderat, formâ brachia-  
lium



lium, cingulorum, &c. adnotavit Clutius p. 8. Similis ergo & affinis est nephriticus;

1. Jaspidi. Triplici a. signo à Jaspide discernipoterit. Quod durior sit Jaspide; quod exactè poliri non possit; & quod in ipso nunquam rubedinis quidquam conspiciatur. Veteres cum Galeno, nephriticum cum Jaspide confuderunt, eo quod vires nephritici ipsis incognite fuerint. Liquet hoc ex Camillo Leonbardo in speculo lapidum, l. 2. mibi, fol. 34. b. ubi de Jaspide verba faciens dicit, quosdam esse in densa viriditate translucents; & smaragdinos, quando sunt cum quadam transparentia, esse pretiosiores. Omnes a. Jaspides arbitratur equalis esse virtutis; quod nullâ firmâ ratione aut experienciâ facile comprobaverit.

2. Callaitidi; de quo videantur Plinius, Casalpinus, Encelius ll. dd. cui similis est alius in India occidentali repertus, de quo Clutius p. 9. Verum an detur callais, dubitat Boëtius lib. 2. de lap. & gem. c. 303. p. 281.

3. Smaragdo; qui tamen nephritico est elegantior & magis diaphbanus. Scribit interim Garzias, fuisse Genoa nephriticum, de quo



## De Lapide Nephirtico

quo dubitabatur, anne Smaragdus esset, ob elegantiam. At nephriticus lapis non est nisi semi perspicuus.

4. Prasio, (qui Smaragdites dicitur vel mater Smaragdi, quia aliquando in eo reperitur, quando partes viridiores absq<sup>ue</sup> flavedine, & perspicua in prasio reperiuntur, Smaragdi illæ sunt,) ob colorem porri vel prasij ita dicto, mixturam flavi & viridis: estq<sup>ue</sup> nubeculis perspicuus: & imitator jaspidis viridis.

5. Smaragdo prasio, qui plus habet viriditatis, quam prasius, & plus flavedinis, quam Smaragdus: est n. flavescens viriditatis.

6. Heliotropio, qui vilioribus jaspidibus, et Prasij adnascitur, vel innascitur. Estq<sup>ue</sup> gemma viridis, sanguineis punctis vel venis distincta, et licet jaspis orientalis à multis vocetur, differt tamen à vero Jaspide, quod ex parte transluceat.

7. Malachiti, seu Molochiti, quia malva instar viridis est, sed cum venis plerumq<sup>ue</sup> albis aliquando caruleo, aut alio colore intermixto, & olim pro Jaspide habita. Ad jaspidis



*dis vel Prasij species referri potest.*

8. Ophiti vel lapidi Serpentino, cuius pleni sunt montes, & quasi ex eo conflati; circa Mariæbergam Misnia. Vnde nihil non bodie tornatur & paratur, atq; per plurimas regiones distrabitur; Commendatur ferè ad illa, ad qua nephriticus prodesse scribitur: Sed fragilior & mollior est nephritico Ophites, faciliè scinditur & tornatur, estq; sine omni pelluciditate.

9. Ignobilissimo nephritico, ut ita vocemus, ex India occidentali advecto, coloris subnigri, opaco, minus duro (quam est orientalis nephriticus) cuius vires ignorantur. Incola eius regionis pro cuneis utuntur prius ligno comprehensis. Hondius in Theatro orbis, ait, lapides hosce lignis artificiosè insertos incolis loco armorum esse, quibus praeliantur, & fontes plectunt.

Verum de istis & consimilibus gemmis (exempto ultimo lapide) qui plura cognoscere volet, consulat Dioscoridem, Galenum, Serapionem, Avicennam, Mesuem, Plinium, Solinum, Isidorum, Arnoldum, Jubam, Dionysium Alexandrinum,



De Lapide Nephritico

xandrinum, Alb. Magnum, Marbodaum,  
Camillum Leonbardum, Agricola,   
Gesnerum, Cardanum, Rueum, Matthio-  
lum, Encelium; Libavium, Kentmannum,  
Casalpinum, Boëtium de Bood & Suench-  
feldium.

CAP. VI.

De Qualitatibus & viribus occul-  
tis huius lapidis.

**M**ISIS nonnullis indubiè ma-  
gicis apud Albertum Magnum  
viribus, huic lapidis generi tri-  
butis, ut quod amorem atq; gra-  
tiam conciliet, à quâ sententiâ non planè ab-  
horret Camillus l. d. quando Jaspidum generi  
omni tribuit, victoriosum, potentem ac gra-  
tum, gestantem facere. Eas potissimum ve-  
ras recensebimus, probatiores et luculentiores  
quas autores nephritico adscribunt.

1. Ad conservationem valetudinis in gene-  
re, ac preservationem à morbis in universum  
commendatur à Clutio p. 11. Sed nimium  
laudis esset, panaceam eam facere.

2. Jn



2. In ventriculi, aſophagi & coli doloribus ab eodem l. d. & p. 4. & præcipuè ad ſtomachi dolores appenſum prodeſſe ſcribit Anſhelmus Boëtius de Bood de lap. & gem. l. 2. c. 110. Exiſtimant nonnulli vim illi ſtomachicam non ineſſe, niſi certas quasdam figuras habeat inſculptas. At v. quod in ſe, ſine ulla ſculpturâ, hac virtute polleat, comper- tum eſſe ſcribit Clutius p. 4. Suenchfeld ait lib. 3. foſſil. Siles. p. 382. Multi annulis jaſpi- dem inferunt, ſcalpuntq; in eo Draconis ſeu Scorpionis effigiem, ſole verſante ſub ſigno Scorpionis. Quem è calculo præſervare, & ventriculo languido robur addere ſum- moperè prædicant. Imò jaſpis viridis, Ga- leno ipſo teſte, ſtomachum atq; os ventricu- li iuvat, quare & annulis inferitur, inquit, inſculptum gerens draconem radiantem. Qualem etiam Lauſanna, apud civem quen- dam ſe vidiffe ſcribit Geſnerus de figuris la- pidum fol. 113. b. Ego tamen, inquit Gale- nus, efficaciam eius etiam ſine hac ſcul- pturâ probavi, factâ torque ex eiſmodi lapillis, ita ut collo ſuſpenſi os ventriculi contingerent.

3. Ad diuturnos & graviſſimos capitis do-  
B b
lores



## De Lapide Nephritico

lores, appensum, magno cum successu usurpatum à Mercatore quodam, scribit Vntzerus lib. 1. de Nephritide c. 24. dū interiectis paucis diebus, humor peccans in capite liquefactus, instar sericraſſioris puri permixti, per utramq; aurem copiosissimè effluxit per dierum sesquidecadem, quo fluore cessante, cephalalgia cessaverit, nec postea redierit.

4. Catharris etiam vel destillationibus è capite in thoracem, post frustrà tentata alia remedia, eundem mercatorem propriam uxorem liberaſſe, idem eodem loco testatur, motū ratione probabili, quod si arenulas è capite, atq; etiam per oculos expelleret, ut infrà dicitur, non segniorem futuram operationem in materia catharrali tum exsiccanda, tum absumenda. Item in difficili respiratione & cordis anxietate pulsui applicat cum successu vir quidam in nostra patria.

5. Ex gestatione huius lapidis alvum vehementer solvi (nonnunquam) non secus ac si quis purgante usus esset, aliquot historijs l. d. Vntzerus refert.

6. Ad partum promovendum commendatur



De Lapide Nephritico. 9

tur à Dioscor. l. 5. c. 147. Camillo l. 2. fol. 34.  
Clutii p. 11.

7. Tumores oedematosos in pedibus insensibiliter discutit, saltem de collo suspensus. Eius rei historiam allegat Vntzerus l. d. in mercatore quodam Lipsiensi, cui ex lapidis huius gestatione, & dolor remiserit, & tumor paulatim decreverit, atq; planè evanuerit, repellulare a. visus sit, neglectà per diem unum aut alterum gestatione.

8. Aliquandiu gestatus pruritum excitat: quod monuit Vitus Victor, bidui aut tridui spatio pro libitu excitandum, eius ad unum atq; alterum diem remotione, & iteratà postea applicatione. Nonnunquam plures cuniculos subcutaneos parit, qui aperti frictione vel acu, minutissimarum arenularum copiam inibi collectam emittunt.

9. In suppressà urina provecanda, miram eius virtutem probatam à Senatore quodam Lipsiensi, in duobus liberis suis, refert Vntzerus l. d.

10. In renum & viarum urinariorum dolore & calore calculis & arenulis expellendis incomparabile planè censetur auxiliū, tam præserva-

Bb 2

tivum



## De Lapide Nephritico

tivum, quàm curativum; ob quod nobile officium Nephriticus dictus est, dignus ob solam illam virtutem omnibus gemmis anteponi. Hanc virtutem ei unanimi consensu adscribunt præstantissimi Authores: Nicolaus Monardes Medicus Hispalensis de simplic. Ind. histor. c. 20. de lapide Nephritico. Joan. Fragosus in histor. medicamentorum simplicium Ind. c. 2. Vidus Vidius lib. 10. de curation. c. 20. Job. Francisc. Vlmus l. 2. c. 7. de occult. med. propriet. Michael Neander in præfatione Phys. & parte 1. eiusd. p. 142. Donzellinus in Consil. Cratonis, Cons. 148. Wittichius de lapide Bezoardico. Libavius tom. 2. Syntag. alch. arcan. Ernestus Burgravius in Achille  $\pi\alpha\nu\acute{o}\pi\lambda\omega$ , Boëtius de Bood l. 2. c. 110. Renodæus sect. 2. l. 2. Vntzerus de nephritide l. 1. c. 24. p. 115. & l. 2. p. 172. & 173. Clutius de lapide nephritico passim. Sennert: in Instit. Phys. l. 5. c. 4. Bernhardus Paludanus & Otto Heurnius, referente Clutio, alijs infiniti.

Adeo a. potenter calculos ac sabulum expellit, ut non solum per canales urinarios, sed aliquando arenulas etiam per alvum fecibus



*Facibus intestinorum permixtas, item per oculos, vel eorum angulos, ac nonnunquam totius corporis habitum, precedente ingenti pruritu, validè exturbet.*

## CAPUT VII.

*De Modo utendi hoc lapide in expellendis arenulis atq; calculis.*

**V**irtutem hanc gemma inesse, parum prodest ut sciatur, nisi simul modus utendi in morbo tã duro, et cruciatibus pleno iuxta cognoscatur. Videntur itaq; quidam eius usum internum adprobare, in quibus est Vntzerus, qui lib. I. de nephritide c. 24. p. 102. ita loquitur. Nobile medicamentum hoc nostro ævo, ad pellendas arenulas & calculos, habetur lapis ille subviridis Nephriticus vulgò nuncupatus, cuius debito modo præparati & intra corpus exhibiti insignes virtutes, & admirandos sanè effectus sæpenumerò, cum maximo valetudinis suæ commodo experti sunt ii, qui longo tempore acerbissimis doloribus nephriticis



### De Lapide Nephritico.

ticis conflictati, omnem ferè sanationis  
spem abiecerant. Et quamvis neminem  
adhuc novimus, qui lapidi huic intra  
corpus dato istam, quam diximus, facul-  
tatem, arenulas nimirum exturbandi, de-  
traxerit aut derogaverit; tamen non im-  
meritò dubitari à multis posse arbitra-  
mur, num idem lapis vel collo appensus  
vel alià parte corporis gestatus, ita ut  
nudam attingat cutim, eandem vel simi-  
lem pellendi è corpore calculum vim  
habeat, quam possidet præparatus & in-  
tro datus. *Et p. 115. sentit lapidis huius  
debito modo præparati, intraq; corpus ipsum  
exhibiti, maiorem atq; excellentiorem longè  
posse esse virtutem, quam crudi & externè  
applicati. Ego nullam huius rei experientiam  
habeo, neq; alios luculentos authores, de usu  
hoc interno me legisse memini, quamobrem  
nihil certi decerno. Unicus iam incidit ta-  
men locus Laurentij Hoffmanni de usu &  
abusu Medic. Chym. pag 117. scribentis: Certò  
affirmare possū, me vires Magisterij eius-  
dem (lapidis nephritici) non contemnen-  
das aliquoties esse expertū. Externum usum  
& commendant omnes, quos capite precedenti*

*cita-*



citavimus, ubi modus utendi talis est.

1. Lapis hic cingulo aluta, vel panno lineo asuitur, aut filum ei inditur, pro ratione partis cui applicandus; quod praefert Clutius, quam ut metallo aliquo includatur. Qui metallo inserunt, vel auro, ut Plinius, vel argento, quod suadet & imperant Camillus Leonbardus, Petrus Arlensis de Scudalupis; Boëtius de Bood p. 128. & qui à Boëtio p. 132 citatur Dammannus, cui exploratissimus huius lapidis usus erat, argento illum includi iusservat, asserens, facultatem ita ei inesse maiorem. Fateor me multos in hac patria nostrâ novisse, qui cum successu lapidem hunc gestant, omnes a. ferè argento inclusum.

2. Dictus v. lapis hic ita in corporis aliquâ parte gestabitur, ut nudam attingat cutim. Si stomachi levamen quarimus, stomacho applicetur: Sin renum intemperiem mitigabimus & dolorem, lumbis vel renum regioni: si calculos & arenulas vehementer & copiosè vis expelli, lumbis apponitur: si mediocriter & leniter; aut collo appendunt, aut brachio alligant, praesertim sinistro carpo. Si-  
ve ergo armilla seu brachialia inde fiant,

Bb4

sive



De lapide Nephritico  
sive cingula sive amuleta è collo dependen-  
tia, pro intentionum varietate usurpari  
potest.

3. Per intervalla lapis hic à corpore remo-  
vendus, quod ipsum etiam Vitus Vietor sua-  
det, iterumq; postea applicandus. 1. Quia cum  
satis ex præcedentibus colligatur, virtutem  
expellendi ex corpore noxia quaq; buic lapidi  
inesse, ut materiam catharri & cephalalgie,  
partum, feces, urinam; inprimis v. & ante  
omnia calculos & arenulas; utiq; ex continuâ  
& non interruptâ gestatione, assuesceret corpus  
humanum alteranti, atq; ita non facile am-  
plius alteraret aut expelleret; sicut, qui pur-  
gantibus, venenis &c. assuescunt, iis nō amplius  
purgantur, leduntur. 2. Tempore longiori  
gestatus, expulsâ ad sufficientiam materiâ  
sabulosâ, cum aliud non habeat quod expel-  
lat, humores pituitosos crassos & viscidos ad  
vias urinarias deferendo, eas oppilabit ac  
stranguriam introducet; idq; interdum fieri  
Vietor scribit. Quo nomine, ne nimium agat  
et expellat, usq; ad vasorum urinariorum  
obstructionem, coguntur pleriq; eum nonnun-  
quam deponere; sicut in Viminario Lipsiensi  
exemplum



*exemplum habet Vntzerus, pag. 113. qui nisi per dies aliquot è corpore removeret lapidem, non tantum in meatu urinario, sed ano quoque cum excernebat, non levem ardorem, acrimoniam & erosionem percepit. Et certè, qui in Daniâ hac nostrâ lapidis usum habent frequentem, fatentur nonnunquam se cogi ad eius remotionem, ob expulsionem plus iusto vehementem. Idem pluribus exemplis demonstrari potest ex Monarde, Clutio, Vlmo lib. d. & alijs.*

## CAPUT VIII.

*De Historijs & experimentis varijs pro viribus hætenus enumeratis asserendis ex fide dignis Authoribus.*



*Uia incredibiles multas recensuimus virtutes, partim propriâ, non quidè proprio in corpore, sed aliorum agrorum experientiâ, partim autorum, qui literis eas consignarunt: experimenta ex historijs autorum ad fidem faciendam hesitantibus, vel*



## De Lapide Nephritico

*de viribus, vel de modo utēdi adducemus. Puto tamē non parū situm esse in lapidis ipsius electi-  
one, cū non omnes sint eiusdē nobilitatis, itim  
in expultrice facultate subiecti patientis; quae  
in alio citiūs irritatur, in alio tardius & dif-  
ficiliūs. Deinde non dubium est in excessu  
laudis peccare aliquos, inprimis, qui etiam  
calculum in corpore atteri & comminui à  
portato lapide autumant. Reclamat experien-  
tia tum aliorum, tum inprimis Guilielmi  
Laurenbergij Doct. Med. Senioris, viri cla-  
rissimi, ut videre est in epistolicā ipsius  
dissertatione, de calculo vesicae pag. 13.*

*Ex Monardel. d. adversus nephriti-  
dis & stomachi dolores cōmendatur. Sed  
eius praeipua laus est ad nephriticos do-  
lores & calculum expellendum & arenu-  
las. Nobilis mihi notus unum habet, cui  
nullū alium comparandū vidi. Nam eum  
brachio gestans, tantā arenularum quan-  
titate liberatur, ut metuens ne ei noceat  
tanta eiectio, interdum eum deponat,  
nullūq; amplius calculum eiicit, sed cum  
dolor eum premit: denuo eum gestat,  
& statim levatur aut minuitur dolor,  
multarum*



multarum arenularum atq; etiam calculorum expulsionem. Eâ etiam facultate præditus est, ut ab eiusmodi dolore præservet gestatus, renum calorem mitigando. Ducissa Beiar ter brevi temporis intervallo nephriticis doloribus afflicta, armillam ex eo lapide confecit sibi, quam perpetuò gestat ex eo tempore, quod decennium superat, eo dolore nunquam vexata est. Alij multi senserunt idem levamen, eamq; ob causam magno in pretio sunt huiusmodi lapides, nec uti initio tam facilè acquiri possunt; quod soli earum provinciarum Reguli & Domini eos possideant, nec immeritò, cum tam admirandæ sint illorum facultates. *Hactenus Monardes.*

*Ex Boëtio de Bood l. d.* Ego nobilissimum virum Nicolaum Damannum, ordinis aurei velleris Heroaldum (cuius atavi nostræ familiæ ante multos annos iuncti fuerant, & propterea agnatum meum) sæpè referentem audiui, se nephritico lapide, quem



### De Lapide Nephritico

quem à fratre in aulâ Philippi Hispaniarum Regis degente, acceperat, plurimos qui nullis medicamentis curari poterant, subito lapide admoto brachio circa carpum, ubi interna manus pars initium habet, non sine Medicorum admiratione curasse. Erat lapis obscurè viridis, opacus, non secus, ac si quis viridi colori nigrum immiscuisset. Punctula etiam nigra in ipso, ut in Ophite, conspiciebantur. Argento illum includi iusserat, ita enim maiorem facultatem habere assererat. Istum omnibus alijs, quos habebat, præferebat.

*Ex Clutio p. 5. & seq. Leidæ Anno 1620.*  
Vir doctus & insignis, lapidis huius usu, quem pulsui, suasu D. D. Otthonis Heurnij Medic. Anat. & Chirurgiæ Professoris, applicarat, tantâ copiâ sabuli, quâ diutissimè laboraverat, liberatus est, ut metu nimix expulsiōis interdum deposuerit, & per intervalla iterum apposuerit. Et planè paria evenisse virgini Elisabethæ Pavviæ, cui D. Bernhardus Paludanus lapidem eiusmodi nephriticum accommodaverat, *id, ibid. scribit.*

*Ex*



Ex Vntzero *l. d. p. iii.* Juvat hic ad-  
ferre observationes quasdam raras, sin-  
gulares & admirandas, nec ab ullo un-  
quam Scriptore traditas, de gestatione  
lapidis nephritici, quas quidem acceptas  
refero Mercatori cuidam Lipsico, non  
infimæ notæ viro, qui inter alios nostri  
temporis indagatores rerum exoticarum  
solertissimos ac diligentissimos, omnium  
perfectissimā, absolutissimāq; dicti lapidis  
videtur adeptus cognitionem & experi-  
entiam. Is mihi retulit de nobili quo-  
dam, Johanne de Plaustick, diu nephri-  
ticis doloribus miserè excruciato, cui  
cū cætera vulgaria remedia, quorum  
quidem plurima expertus fuerat, nec  
quicquam opis aut levaminis attulissent,  
illum tandem ab alijs persuasum ad la-  
pidem nephriticum confugisse, cuius  
particulam emptam, collo, ut erat do-  
ctus, appendit, & dies noctesq; ita gesta-  
vit. Elapsis paucis aliquot diebus ac  
septimanis, cæperunt unâ cum urina  
egredi infinitæ arenulæ, ac lapilli, quasi  
confracti seu contusi, quos ante lapidis  
appensi-



### De lapide nephritico.

appensionem tantummodo integros & quidem fabæ magnitudine, non nisi ingenti cum difficultate excernere interdum solebat, & hæ arenulæ non tantum eidem per canales urinarios, ut dictum fuit, verum etiam (quemadmodum ipsemet fassus est) per utrumq; oculorum, nec non per habitum totius corporis externum, in magnâ abundantia expulsæ fuerint. 2. Quod idem dictus Mercator affirmavit, se multoties cum in pluribus alijs, tum in se ipso quoq; observasse. Nam cum aliquando propter nephriticos dolores per quinq; dies hunc lapidem gestasset, tantam arenularum copiam per angulos oculorum ipsi expulsam fuisse, ut ob earundum falsedinem & acrimoniam uterq; oculorum tantâ rubedine fuerit affectus, non aliter ac si inflammatione quadam tentati fuissent. Cui quidem incommodo, si is diligenti oculorum ablutione quotidie occurrisset, rem bene habuisse, illâ a. neglectâ, per somnum seu quietem, sequentis noctis, tantum arenarum seu sabuli multitudinem in oculis coacervatam fuisse, ut agglutinando palpe-



palpebras, impedimento fuerint, quo minus oculorum apertionem liberam & expeditam haberet, sed ad hanc iuvandam rerum emollientium adminiculo oculis impositarum indigeret. 3. Idem quoq; sanctè affirmavit, se aliquando propria excrementa alvina ab aliquot diebus collecta, aquâ abluisse, in quâ aquâ postmodû ab excrementis illis separata, tanta sabuli subalbidi ac crassi subsiderit copia, quantæ dimidia pars ovi anserini vacua vix capax existit. Quam quidem sabulosa materiæ multitudinem, solius lapidis nephritici gestati virtute, è corporis recessibus interioribus ita foràs exturbatam fuisse, ex eo is sibi persuadebat, quod alio tempore, quo gestationem hanc intermitteret, ne quicquam tale fecibus intestinorum inhærens deprehendisset. 4. Præterea diligenter quoq; ille annotavit, interdum ex gestatione huius lapidis non solum pelli arenulas ac sedari dolorem calculi: Verum etiam alvum quoq; vehementer

laxari



### De Lapide Nephritico.

laxari, non secus, ac si quis φάρμακον haurisset, & destillationes è capite in thoracem insensibiliter quasi absumi, quemadmodum se in propriâ uxore huius rei indubitatum vidisse experimentum, narravit. Illa n. cum molestissimâ destillatione seu catharro, ex capite in pulmonem impetuosè descendentem afficeretur, varijsq; medicamentis, à Medicis præscriptis, usa, peius semper haberet, tandem maritus illi lapidem appendit nephriticum (motus nimirum hac ratione, si ille tantâ polleret vi, arenulas è capite proliciendi, ac per oculos eas expellendi, utiq; non segniorem quoq; eundem debere præstare operationem, in materiâ catharrali, tum exsiccandâ, tum prorsus absumendâ) unde primo die 14 vel 15, secundo 9 vel 10. tertio pauciores habuit sedes, sequentibus v. singulis, non nisi semel tantum, naturali modo ad excretionem stimulata fuit. Et cum per tres septimanas illius gestationem continuasset, tandem præter omnem opinionem, à destillatione istâ liberata, exoptatæ



exoptatæ sanitati integrè restituta fuit: 5.  
Et similem ferè effectum ait se quoq; in  
uxore A. K. socru suâ, hodie etiamnum  
superstite, observitasse, cui diuturnis  
ac gravissimis capitis doloribus mise-  
rabiliter excruciatæ, cum lapis nephriti-  
cus appenderetur, interiectis paucis ali-  
quot diebus, humorem, seu materiam  
peccantem, in capite liquefactam, instar  
seri crassioris, puri permixti, per utramq;  
aurem effluxisse copiosissimè, per die-  
rum sesquidecadem, adeò ut ad illius  
abstersionem, quotidie spongiolâ novâ  
uti necesse habuerit; tandem v. fœdo  
illo flumine cessante, capitis quoq; dolo-  
rem paulatim evanuisse omnem, nec ab  
eo tempore eundem quicquam molestiæ  
imposterum illi exhibuisse. 6. Idem  
Mercator quoq;, cum aliquandò insul-  
tum nephriticorum dolorum sustineret,  
appenso lapide dicto ad collum, circa  
vesperam istius diei extemplò doloris  
remissionem persensit; postero adhuc  
maiores, tertio v. omnimodam eiusdem  
sublationem seu extinctionem expertus

Cc

est



De Lapide Nephritico  
est. Et quod mirandum, singulis hisce die-  
bus tribus semper ad minimum ter vel  
quater alvus illi unâ soluta fuit. Sic cui-  
dam cophinopæo seu viminario Lipsien-  
si, ante portam Ranstadiensem, calculi  
doloribus exquisitissimis diu excarnifi-  
cato, appensione & continuâ postea lapi-  
dis nephritici gestatione, non solum in  
totum cruciatus isti ablati fuere, verum  
etiam cum illius lotio crasso admodum,  
limoso ac turbido, tantus lapillorum, a-  
renularumq; numerus quotidie ferè pro-  
trusus fuit, ut inde non tantum in mea-  
tu urinario, sed in ano quoq; dum excer-  
neret, non levem ardorem, acrimoniam  
& erosionem perceperit, quam ob cau-  
sam quoq; lapidem hunc per aliquot  
dies à corpore remove tandem coa-  
ctus fuit.

*Laurentius Hoffmannus comment. de u-  
su & abusu Medicam. Chymicor. pag. 116.  
& 117. scribit :* Est & nostro ævo lapis re-  
pertus, dictus Nephriticus ( sicut etiam  
lignum nephriticum nuper ad nos dela-  
tum est) ob insignem, quâ pollet, vir-  
tutem



tutem, adversus nephritidem, cuius magnam copiam Lipsicus quidam mercator possidet, qui lapidem hunc in coelum usq; laudibus extollit, propter incredibilem in calculo expellendo potentiam. Experimentiâ n. sibi innotuisse refert, lapidē hunc nephriticum, quem Constantinopoli secum attulit, non solum arenas, tartarum & calculos per urinas, sed etiam per excrementa, & quod fidem ferè excedit, per puncta lachrymalia & internos oculorū angulos expellere: quemadmodum etiam in diversis scatulis arenulas & lapillos comminutos, per oculos, penem, & anum expulsos, mihi monstravit: Sed fides sit penes autorem. Interim tamen certò affirmare possum, me vires magisterij eiusdem non contemnendas aliquoties esse expertum. Hoc loci non omitendum, quid ab alio quodam observatū medico: urgentibus calculi doloribus immanissimis, post regionē renum, paulo tamē supra, lapidē admovit nephriticum. Quamprimū id factum, cessarunt dolores. Qui id fiat, quæsitus ab ægroto, in hac erupit verba: Vti magnes



### De Lapide Nephritico

vulgò trahit ferrū, ita & iste calculū. Oriuntur v. dolores, si calculus à facultate expultrice incitatus, occupet meatus uterum. Illuc illapsū, facultate magneticā retrahit in cavitatem renū hic lapis: Undè symptomata dolorosa statim mitescunt. *Taceo experientias citatas à Vidio, Vlmol. l. d. d. atq; alijs. Neq; nos experimentis destituimur, in 4 praeclaris viris, huius civitatis incolis, quibus usum huius lapidis suāsimus, quorum duo obierunt, sed non ex calculo. Est vir quidam in hac Selandiā nostrā, famatus & bonus, qui cū multis annos, non solum podagricis, sed calculi praesertim tantis saepe ex cruciatus fuisset, ut clamore viciniam repleverit, & pra doloribus ex calculo, podagricum non senserit, tandem me per amicum nobis communem consuluit. Quae ad calculum alioquin proficua creduntur, praescripsi: in primis suasi, ut lapidis nephritici gestationem in usum vocaret. Comparavit sibi eum statim ex Batavia, argento munitum. Atq; iam annos aliquot meliusculè habens, sine dolore calculos excernit, immò jam non amplius calculos, sed arenulas & pituitā: atq; ob nimiam pellendi vebementiam,*  
non-



nonnunquam remove eum à corpore cogitur. Tanti apud ipsum sit hic lapis, & meritò quidem, ut carere meliori parte sua substantia, quam illo malit. Quis n. non malit opibus destitui, quam excruciiari & quasi carnificina torqueri?

Dixi experientias meas in alijs: referam quoque in meipso, qui aliquot jam annos cum calculi doloribus conflctor. Usus sum varijs nephritici generibus, non exiguo sumtu Vene-  
tijs, Noribergâ & ex Bataviâ allatis; semper frustra. Quid in causâ sit, certò dicere ne-  
queo; an peculiaris idiosyncrasia corporis; an quòd nephriticus non nisi arenas & lapillos friabiles ac molles expellat; in me verò pleriq;  
non tantum inusitata magnitudinis, verum etiam silicea duritie. Interpretor potius, Deum meum potentiam & bonitatem abundantem indigno mihi declarare, quod sæpius me à tantis carnificibus sine humanis medijs liberet; cui idcirco laus & gloria in omnem eterni-  
tatem.





De Lapide Nephritico  
CAPUT VIII.

*Virtutes huius lapidis probabiles fieri  
ex rerum aliarum gestatarum, in varijs  
morbis, viribus.*



Observationes & experientias pro-  
firmando instituto nostro, ad-  
scripsisse satis esset, nisi ex abun-  
danti nonnulla addere animus  
esset, ex similibus exemplis, tum aliorum la-  
pidum, tum rerum aliarum, prater lapides  
praesenti & sequenti capite: tandem v. adver-  
sariorum argumentorum solutionem ultimo  
capite subnectere. Probabile ergo esse satis  
lapidi nephritico, externis tantum partibus  
applicato, vim aliquam admirandam inesse  
exinde liquet, quod infinita alia dentur au-  
xilia & remedia, quae absq. usu interno, au-  
intra corpus sumptione, sola gestatione aut nua-  
appensione, in gravissimis affectibus p. a  
propulsandis aut alijs affectibus stupenda  
vim exeruerunt. Neq. convellitur hac ver-  
tas, ut Gesnero obviam veniamus, quod ne

semp



semper & in omnibus res succedat : Cum  
neq; interna medicamenta semper optatum  
successum sortiantur , utrobique iisdem de  
causis : ut morbi vehementiam , medicamen-  
ti vilitatem, subiecti patientis errores &c.  
Interim dantur morbi periculosissimi ,  
ut & gravissimi, ubi frustra adhibitis in-  
ternis, externa juverunt , sicut ex obser-  
vationibus, precedenti capite allatis , li-  
quidum est. Et nos exempla novimus , non  
in calculo modo, sed febribus etiam, hamor-  
rhagiis & similibus. Ex multis pauca qua-  
si exempli loco delibabimus : metallicis &  
lapidibus exceptis , de quibus seq. ca-  
pite.

1. In Febris pertinacibus , Epithema  
ex scorpionibus , araneis , earumq; telis ,  
theriaca, & nonnullis alijs pulsui applicatum  
nobile est auxilium. In eundem usum com-  
mendatur os hominis mortui nunquam  
febrem passi appensum; item talpae manus,  
donec moriatur, in paroxismo tenere : Item a-  
raneae nuci avellana inclusa & collo appensa, et  
in febribus puerorum camphora. In quartana

scarabei



De Lapide Nephritico.

scarabai vivi lintcolo involuti, & collo suspensi. In febris malignis ac peste arsenicum, Mercurius, item aranea inclusa ut supra. Suadent etiam pentaphyllum, dictamni radices, betonica cum radice manibus gestare.

2. Exanthemata. Intuitus rerum rubrarum provocant, & tegumentum panni rubri praesertim scarlati.

3. In haemorrhagia cuiusq. partis nimia, buso exsiccatus, & Vsjnea, vel muscus cranij humani, manibus donec incalescant detenta.

Aliqui busonem aëre exsiccatum praefereunt sub alis gestatum, in sericeo sacculo. Rhasis suspendere iubet mammis, sacculos cineris ranae maioris plenos. Lingua vulpis dorso vel mammis apposita sistit haemorrhoides & menses & secundum quosdam etiam ophtalmiam; ite gestata clematis, bursa pastoris, radix bislorta, muscus qui buxo adnascitur, radix pervincae aut taraxaci lingua supposita; cruribus vel femoribus alligata potentilla, acetosa, chelidonium minus, &c.

4. In Epilepsia Radix Paonia collo appensa probatur Galeno, Fernelio, Montuo & Foresto; qui tamen viridem & cum semine eiusdem appendit. Ungula alcis in eundem u-

sum



sum commendatur à Fernelio, Agricola, & Lemnio, appensa vel annulo inclusa, annulari digito sinistra manus applicando; item si sinistra palme imponatur, manusq; in pugnum contrabatur. Itim si pulsibus alligetur, cordis regioni, aut particula in aurem sinistram immissa, aliquandiu velut scalpendo moveatur. Commendatur itim viscum quercinum &c.

5. Cephalalgiam curat Aristolochia alligata, si Plinio credimus, capiti, item circumdata verbena, hedera & anguium senecta;

6. Vertiginem oleum ex araneis inunctum.

7. Spasmodum, particula dentis equi, qui fortè ut in apris plus iusto excrevit, cuti nude applicata; Corium anguille excoriatum & applicatum, præstantissimum in convulsionibus remedium. Item os ala Phasiani in manu gestatum illius lateris quod afficitur.

8. Oblivionem lingua upupa suspensa tollere creditur Rbasi.

9. A Somno proprietate excitare putatur Philomela pulvinari substrata, & caput vespertilionis inter latera lecti positum.

10. Ebrietatem prohibet hedera, corona  
instar



De Lapide Nephritico.

*instar capiti imposita, vel succus eius capiti  
admotus.*

11. Hydrophobian sanat dens caninus, à ca-  
ne qui momordit, avulsus, & brachio alliga-  
tus: ut nihil dicam de pilis eiusdem & carne  
cum vulnere imponuntur; singulari prasidio.

12. Paralyti medentur integumenta ex  
pellibus vulpinis & leporinis; anserum, co-  
lumarum, gruum, & avicularum silvestri-  
um plumis.

13. Visum reficit intuitus rerum viridi-  
um & politarum, ut speculi ex calyce splendi-  
di inspectio, etiam gemmarum & auri, quod  
spiritum vitalem unà roborat & recreat,  
prasertim si quis donatum accipiat. Lippitudi-  
nes, rana oculus dexter, dextri oculi, sini-  
ster sinistri à collo dependens in panno nativi  
coloris.

14. Odontalgia, lepidij radix collo suspensa,  
docente Dioscoride.

15. In vulvæ affectibus, radix brassicae de  
collo suspensa.

16. Anginam sanat nidus hirundinis ap-  
plicatus



plicatus, vel inde emplastrum, cochlearia  
ex bedera ligno facta, pœonia; vel caput  
viperae exsiccatum, & collo in linteolo appen-  
sum, item filum sericeum robustum, quo vi-  
pera strangulata, collo circumdatum,  
praesertim ex serico rubro, Charmesino vel  
byssso, idemq; Galenus docet.

17. Ad strumas radix plantaginis & ace-  
tosa collo appensa, teste Dioscoride, imò stru-  
mas iuxta ac parotidas, manu immaturâ  
morte raptorum contactas, atq; ita sanatas,  
frustra tentatis alijs remedijs, exemplum ad-  
fert Vlmus. Reges Galliae & Angliae hoc  
divinitus habere concessum permulti scri-  
bunt, ut solo attactu strumas ac scrophulas  
sanent.

18. Cordis palpitationem, camphora  
collo appensa.

19. Ventriculum roborant proprietate,  
applicate pelles vulpinae, leporinae, lupi, catuli,  
vituli abortus, avium plurimarum, inpri-  
mis vulturum, corpus calidum animalis, ut

catelli



## De Lapide Nephritico

catelli ventriculo accumbentis, inprimis mariti, uxoris, infantis, aut manus propriae vel alterius admota.

20. Colicam, Umbilicus infantis annulo argenteo inclusus, & ut cutem tangat gestatus (quod multiplici experimento probatum asserit Trallianus) totam chordam umbilicalem ad hosce usus siccata & aservata aliqui laudant; item collo appensam avellanam argento vivo plenam, ita ut ventrem attingat. Ex lupo complura amuleta nos docuit Platerus, praeceptor meus in praxi medicâ, tract. 2. de ventris dolore, pag. 625. Eius verba adscribam: Cingulum nudo ventri circumdatum, factum ex intestino lupi, vel expelle lupi, sic cinctum ut pili ventrem attingant, pellis item lupi catuli adhibita, fimus item lupinus ventri alligatus magni fit, vel stercus lupi sic avellanae inclusum & appensum; quod efficacius operari putant, si chorda cui appensa est avellana ex corio cervino fiat, vel ex filo ex lana ovis texta, quâ à lupo prius raptam aut interfectam esse debuisse nimis superstitiosè credunt, *Hac ille.*

21, Lum-



De Lapide Nephritico

22

21. Lumbricos expellunt res nonnullae amarae, ad ventrem applicatae, item allium collo appensum, uti & stachas citrina.
22. Jcterum Tinea piscis admota regioni pectoris vel plantis pedum alligata, testibus Gesnero & Kentmanno. Liberatur etiam Jctericus, si attentè intueatur avem Galbulam: Jctericum v. non libenter ista avis adspicit.
23. Lienosos pollex Pyrrhi solo tactu sanavit.
24. In Diarrhæa potentilla viridis plantis pedum alligata iuvare existimatur.
25. Renum dolores mitigant pelles cuniculi vel leporis.
26. In Stranguria aspectum solum floris Cardui Mariae sibi profuisse miles quidam asseruit, referente Platero tract. 3. prax. p. 855.
27. Impotentiam veneream sanat satyrion Erythraicon, manibus solum detentum, ut habent Dioscor. & Plinius. Qualis monstrosa illius herba vis apud Theophrastum, quâ tangunt genitalia. Item pellis cervina, quando amore exaestuât ceruo detracta, & lecto coniugali, superstrata; item cineres stellionis



### De Lapide Nephritico

stellionis nigri, in petia ligati & manu sinistra gestati. Nam si dextrâ teneatur, venerem impedire & imminuere statuunt.

28. Difficilem partum promovent, cingulum ex corio humano factum & preparatum, item ex spolio seu exuvys serpentis: Oculus Leporis capiti applicatus; Crocus collo appensus; polypodium elixum pedibus admotum.

29. Abortum præcavere putatur malva, parietaria, tormentilla cum radicibus appensa. Radix byosciami, inter mammas, vel ad ventriculum alligata, foetum retinet; foemori, præcipitat.

30. Podagram, appensus ad crus affectum sacculus ex pelle hedina confectus, cui inclusa sunt crura testudini vivæ amputata; cochleæ terrestres tuse, adhibite: caro cancrorum fluviatilium coctorum contusa; caro lupi recens vel salita, caro vitulina semitosta; corium eanis vel torpedinis, stercus vaccinum seu bubulum calens.

31. Pedum frigus, extima cuticula pedum anserinorum pulverisata & applicata.

32. Furunculos sanare Leontopodij radicem instar amuleti suspensam docet Dioscorides.

33. Ver-



33. Verrucas tolli contactu solo, si totidem ciceres, quot sunt verruca sumantur, & singulis singula tangantur, posteaq; linteolo involuti, post tergum lunâ nova proiiciantur, docet Dioscorid. Vulgus sic usurpata pisa postea in ignem conijcit. Alij aliter hæc cum ipsis docent, Sed hæc ridicula.

34. Ad fici sanationem, clymenum rubrum tantâ vi pollet, ut ab hoc morbo tutus sit, qui radicem eius gestaverit.

Os milvi piscis aurum trahere, auctor est Simplicius, cui subscribit Scaliger. De Lunaria, Sferracavallo asserit Matthiolus, quod soleas ferreas ab equis transeuntibus, quasi extorqueat. spicula incredibiliter trahit adhibitus Dictamnus. Qui gestabit pedes & chelidas anteriores cancri, aprorum incursus evitabit. Morsus ex tarentula, frustra medicamentis curatur, feliciter solâ Muscâ.

Ceterum de amuletis & periammatis consulantur Trallianus, Albertus, Villanovanus, Marcellus, Fernelius, Platerus, Renodæus & alij, quibus plus fidei habendum, quam amuletorum iniuriosis osoribus,

CAP.



De Lapide Nephritico  
CAPUT X.

De Lapidum & Rerum Subterrane-  
arum gestatarum viribus.

1. Febribus medetur Chryseletrum collo  
alligatum, jaspis gestatus, Smaragdus è collo  
pendulus, Crystallus manu detentus, Achab-  
tes ore vel manu detenta, Molochites ( in pue-  
ris ) lapis crucifer, Ophites.
2. Quartanam chelidonium delet, linteo  
inclusus & collo appensus.
3. A venenis & peste preservant cordialia,  
gestatus Rubinus, Hyacinthus, sapphirus ( qui  
nec lepram ferre dicitur ) opalus, achates,  
jaspis, corallium, ovum Anguinum, Bezoar.  
Inprimis commendatur in peste amuletum,  
ex hydrargyro, quo avellana perforata & ex-  
cavata repletur, colloq; suspenditur, sic &  
arsenicum. De quibus videatur consilium  
nostrum de aëre pestilenti, editum ante an-  
nos aliquot.
4. Anthraces & Carbunculos arcet, atq;  
natos extinguit applicata sapphyrus.
5. Cephalalgiam mitigat Ophites gestatus,  
Turcois, Chelidonium.

6. Ebrie-



6. Ebrietatem arcet & sensus omnes acuit Amethystus gestatus ; aliis, umbilico admotus vini vaporem ad se trahere putatur.

7. Intellectum bonum dicitur Beryllus gestatus facere, Topasius item.

8. In Epilepsia, lapilli in ventribus birundinum reperti epilepsiam profligant, si collo vel brachio annectantur. Diosc. Alij in paroxysmo capiti aut auribus imponunt albiorem, nigriorem cuti alligant : rufum linteolo exceptum sub sinistra axilla gestare iubent. Smaragdus gestatus, Onyx, Corallium.

9. In Apoplexia & caro, Smaragdum collo appensum, ut nudam carnem tangat conferre asserunt ; item lapidem stellarem.

10. Melancholicos, Lunaticos & insanos iuvat lapis chelidonium, qui rufus est, dextro brachio alligatus. Arnoldus scribit, eum panno linteo, vel corio vituli involvendum, & sub axillâ sinistrâ gestandum.

D d

II. Tristi-



## De Lapide Nephritico

11. Tristitiam, Melancholiam, & Terrentia somnia, *aliaq; terriculamenta nocturna avertit* Rubinus, collo suspensus; Granatus, opalus, Smaragdus, Topasius, seu chrysolitus veterum, cristallus, corniolus, Chalcedonius, molochites, lazuli, corallium, succinum, Gagates, Chelidonium.
12. Somnum minuit Rubinus.
13. Provocat vero ceraunias.
14. In Vertigine appensum cristallum plurimum valere censent, atq; ex poculo inde parato, eâ de causâ bibunt, vel poculis cristallum immergunt.
15. Spasmodum Molochites sanat.
16. In hæmorrhagia nimia. Jaspis, inquit Galenus, tacto vulnere, unde sanguis prorumpit, eum sistit. Sed hoc præstabit rubeus præsertim Jaspis, cuius vires miras contra hæmorrhagias expertus est Boëtius. Selenites annulo inclusus, nulla carnis contactu, sanguinem è parte quavis emanantem sistit. Sic sarda carniola dicta, Onyx chalcedonius dictus, corallium &c. si iugulares venas tangant. Sic

Umbilicus



*Umbilicus marinus*, lapis carpionum (quem non esse osseum illud triangulare ad primam vertebra[m] spinæ dorsi, sed alium in cerebro propè oculi superficiem, semilunarem, ut in *Merca* & ceteris, contra Boëtium de Bood sentit Platerus, tractat. prax. 3. p. 688.) in ore retentus & prius refrigeratus, sapphirus fronti adbibita, *Smaragdus* ori inditus, *Topasius*, corallium album pectus contingens, lapis crucifer.

*Lapis hematites* manibus detentus usq[ue] dum incalescat, hæmorrhagias sistit. Eadem vis inest lapidi *Alequeca* in India orientali reperto, cuius contactu vel suspensione sanguis, quâcunq[ue] ex parte effluat, sistitur, ut tradit Garzias ab Horto l. 1. c. 53. Vnde ab Osorio annotatum è duce quodam Indo, multis vulneribus confecto, sanguinem nunquam fluxisse, nisi detracto prius ab huius collo lapide quodam, cuius virtute sanguis intra venas continebatur.

Ad lactis amissi restitutionem supra modum laudatur *hydrargyrum*, *avellane* excavata per angustum foramen infusum,

Dd 2

&amp;



### De Lapide Nephritico.

Et obturato cerâ orificio inclusum, colloq;  
appensum. Rationem quidem reddere  
studet Saxonia in libro de plica cap. 52.  
sed dubiam.

17. Ophthalmias & oculorum fluxus  
tollit succini frustum cervici alligatum mira-  
culi instar, inquit Mizaldus, Chelidonium  
aureo globulo inclusus, colloq; appensus,  
omnem oculorum dolorem, perpetuo aver-  
tere perbibetur.

18. Lippitudines sanant oculi cancri:  
Smollius. itim Turcois.

19. Visum conservat Sapphirus, sa-  
cum quis sapius contueatur, oculos ab iniuria  
defendit, imo in orbiculum redacta, quan-  
titate pisi, & perpolita oculis imposita, pulve-  
res, culices & quicquid in oculum incidit  
aufert. Quod & de Onyche scribunt, &  
Chelidonio, imò Boëtius de omnibus lapidibus  
laxibus & angulis carentibus, si hinc ind-  
in oculis volvantur. Vti & vetera oculorum  
vitia, à variolis & morbillis oculos tutatur.  
Sic visum tuctur Achates rubra, lazuli  
umbilicus marinus.



20. Cordiales *gemma sunt*, *sappbirus*,  
*opalus*, *Achates*, *Molocbites*.
21. Sitim ac cordis æstus sedat *A-*  
*lectorius ori inclusus*.
22. Stomachum *firmat*, *nauseamq;* &  
*vomitum prohibet jaspis viridis collo appen-*  
*sus*, ita ut circa ventriculi orificium pen-  
*deat*. *Molocbites præcipue*, quæ olim pro  
*jaspide habita*.
23. Sodam prohibet lapis *carpionum*  
*ore detentus*.
24. Colicam, *opbites*; *Mercurius puta-*  
*mini avellana inclusus*, & collo *suspensus*,  
*colico dolori*, & *ventriculi flatibus*, eximie  
*opitulari creditur*, teste Bertino.
25. Vermium generationem prohibet  
*gestatus lapis stellaris*.
26. Hepaticos *Chelidonium dextro bra-*  
*chio alligatus sanat*.
27. Dysenterias & fluxus hæmorrhoi-  
*dum ventri adhibitus sistit Smaragdus*.
28. In Hydrope. Narrant lapidem à co-  
*lubro aquatico*, fune caudâ *alligato* &  
*suspensio*, vomitu in *suppositam aquam reie-*

D d 3

Etum



De Lapide nephritico.

Etum, tantarum virium esse ad aquam  
absumendam, ut eam in quam decidit, mox  
absumat, eum si ventri alligetur, aquam in  
eo quoque consumere; Sic & jaspis in hydropo  
laudatur.

29. Ab Herniis præservare & curare  
infantes scribitur ceraunias cunis impositus.

36. Calculū curat jaspis, sole scorpionē ingre-  
diente, figura scorpionis sculptus; Smaragdo  
prasius brachio applicatus urinā ciet, arenulas  
pellit, calculi generationem prohibet, Nephriti-  
cos & Arthriticos dolores cōpescit. Cassis viri-  
dis: Lapis Bufonius, lapis percarum geminus  
reperitus, loco dolenti, quando in urete-  
ribus heret calculus, suppositi illum trahunt,  
donec in vesicam incidat. Ophites etiam  
laudatur.

31. Veneris tentigenes gestata probibet  
Sapphyrus, Topasius.

32. Venerem ciet alectorius gestatus  
aut ore detentus.

33. Vteri suffocationem avertit lapis  
hystericus mirabiliter. Monardes.

34. In partu, atites vel lapis aquila su  
pra



pra uterum gestatus, ut inter mammas ad  
ventriculum, in sinistro brachio vel nudus,  
vel corio vitulino, quod alij malunt, prius  
involutus, fœtum retinet (Sic Smaragdus,  
iaspis): Infrà ut coxæ, femori, pedi; præcipi-  
tat. Proinde fœtu & secundinis prodeun-  
tibus, removendus lapis, ne excidat matrix,  
cuius rei exemplum apud Valeriolam. Ma-  
gnes manu retentus, partum promoveri  
dicitur.

35. Abortum præcavet atites supra u-  
terum gestatus, ut modo dictum, item iaspis,  
lazuli, & Samius, gestati vel collo appensi.  
Corneolus ventri alligatus &c. (quæ au-  
ferenda instante partu)

36. In arthritide, Magnes manu tan-  
tum detentus chiragricum & podagricum  
dolorem sedat.

37. Tremorem membrorum arcet la-  
pis stellaris.

38. Ab Erysipelate præcavet Umbilicus  
marinus.

39. Inflammationem sedat applicata  
sapphirus & corneolus.

40. Con-



## De Lapide Nephritico

40. Contusionem *sedat eadem*, *partem fortius premens.*

41. Ad casus pericula, *Turcois*, *Molochites*, (*quæ & ad bernias*) *oculi cancerorum.*

42. Ad submersionis periculum *in aquis*: *Jaspis grammantias*, *& crucifera*, *Corallium.*

43. Tandem *argentum vivum*, appensum in fascino *valere meminit Libavius Tom. 2. Syntag. arc. lib. 4. c. 25. Wierus lib. 5. de prestig. Daemon. c. 19. ait*; *Ligatum sanare creditur, si argentum vivum in calamo, vel avellana nucleo vacuo cum cera occlusum sub pulvinari maleficio laesi collocetur, aut sub limine ostij, per quod is in domum vel cubiculum ingreditur. Idem eodem modo recensent Pedemont. lib. secret. 4. & Hildebrand. lib. 1. mag. natur. c. 36.*

*Sed verum remedium est collocatum in pietate & precibus*

*os(?)*

CAP.



CAPUT. XI. & Ul-  
timum.Sententia Adversariorum  
occurritur.

Ita usum simul præ-  
cipuorum amuletorum  
contra plerosq; morbos  
monstravimus, quæ Græci

Φυσικά περιάωλα, περιάμματα αὐτοῖς πάλαι  
vocat: nihil morati aliorum, ut  
Erasti, Gesneri, &c. insolentiam,  
qui usum amuletorum penitus dam-  
nant & derident. Movere ipsos  
potuisset Trallianus, asseverans,  
Galenum tandem usu doctum su-  
spicere talia cepisse. Galenus cer-  
tè filis, quibus vipera strangulata  
fuit, jaspidi viridi, hieraciti, lu-  
pino stercore, atq; alijs etiam vires

Dd5

in esse



De Lapide Nephritico  
inesse tradidit, quibus alligata cer-  
tos morbos sanent.

Nec auditam refert, sed  
propriam iactat experientiam. Ob-  
gerit Erasius in disput. contra amu-  
leta directâ Thes. 49. Quae appen-  
duntur, vel sensibiliter vacuant,  
vel insensibiliter. Illud nunquam  
factum novimus: si qua insensibi-  
liter hoc faciant, non nisi longo tem-  
pore quantulamcumq; humorum  
copiam dissolvent. Quippe extenu-  
ari prius & in halitum, statusq;  
verti oportet. Quod an sine calo-  
re fieri possit, iudicet qui volet.  
Resp. 1. sensibiliter quaedam vacu-  
are, liquet ex ijs, quae de solo la-  
pide nephritico supra attulimus. 2.  
Insensibilem etiam operationem  
admit-



admittimus, eamq; vel maximè; tum  
modo ab Erasmo adducto, modo ratio-  
ne inexplicabili & virtute occul-  
tâ. Non sum nescius nimium gem-  
mis tribui à quibusdam, etiam illa  
quæ ab ordinarijs naturæ viribus  
fieri non possunt, ut invisibilem a-  
liquem facere, quod Ophtalmio tri-  
buunt; adulterium prodere, quod sma-  
ragdo adscribunt; eloquētem, paupe-  
rem, omnibus gratum & acceptum,  
divitem, fortunatum, victorem,  
tutum & securum aliquem facere;  
& quæ huius generis sunt complu-  
ra; v. g. Adamantem scribunt  
constantiam, victoriam, animiq;  
fortitudinem efficere, iram com-  
primere, coniugum amorem fovere,  
unde reconciliationis gemma voca-  
tur. Imò eò dementiæ progreditur  
buma-



De Lapide Nephritico  
humana nequitia, ut scribant aliqui  
gemmis Deum reddi gestantibus  
propitium, ac demones eisdem fu-  
gari. Sufficit in medendis corporis  
humani affectibus alijsq, quæ experi-  
entia comprobat, subsistere. Reli-  
qua superstitiosiora de lapi-  
dibus, iis, qui vere ipsi  
lapides, relinque-  
mus.





